

摘藻堂四庫全書薈要

子部

欽定四庫全書薈要

子部

御定淵鑑類函卷二百四十九

詳校官兵部主事臣雷純

欽定四庫全書薈要卷一萬一千六百九十七

子部

御定淵鑑類函卷二百四十九

人部八

兄弟 喪兄弟
外祖孫 舅甥

兄弟一

釋名曰兄荒也荒大也故青徐人謂兄曰荒弟第也

相次第而生也 說文曰兄長也 周易曰兄兄弟弟

原尚書曰惟孝友于兄弟克施有政 增又曰弟不

念天顯大不克恭厥兄兄亦不念鞠子哀大不友于弟

詩曰緜緜葛藟在河之漘終遠兄弟謂他人昆謂他

人昆亦莫我聞 又曰揚之水不流束楚終鮮兄弟維

予與汝無信人之言人實廷汝 原又曰陟彼岡兮瞻

望兄兮兄曰嗟予弟行役夙夜必偕上慎旃哉猶來無

死 增又曰有杕之杜其葉湑湑獨行踽踽豈無他人

不如我同父嗟行之人胡不比焉人無兄弟胡不飲焉

原又曰棠棣之華鄂不韡韡凡今之人莫如兄弟

又曰鵲鵲在原兄弟急難 又曰兄弟既翕和樂且湛

增又曰宜兄宜弟令德壽豈 又曰此令兄弟綽綽

有裕 原禮記曰兄弟親戚稱其慈也寮友稱其悌也

增又曰兄弟之讎不反兵 又曰旨酒既清嘉薦賔

時始加元服兄弟具來孝友時格永乃保之 又曰立

敬自長始教人順長類兄也 春秋傳曰君義臣忠父

慈子孝兄友弟恭所謂六順 周禮曰大宗伯之職以

脤膾之禮親兄弟之國

脤膾祭社稷宗廟之肉以賜同姓兄弟之國

又曰

長惠幼順 又曰大司徒曰六行孝友睦婣任恤 原

爾雅曰善兄弟為友 孝經曰孝悌之至通於神明
增又曰敬其兄則弟悅 又曰教民禮順莫善於悌
漢詔曰兄弟敵吾一體一支謂同父母也 東方朔傳
曰同胞之徒無所容居注蘇林曰言親兄弟 谷永書
曰雖察父哲兄覆育子弟誠無以加 文選曰子之友
弟和如琴瑟 初學記曰瓊芳惠茂蘭發玉暉喻兄弟
之賢也 李華弔古戰場文曰誰無兄弟如手如足

兄弟二

增書曰王若曰孟侯朕其弟小子封惟乃丕顯考文王
克明德慎罰弗敢侮鰥寡庸庸祗祗威威顯民 左傳
曰太姒之子惟周公康叔為相睦也 列女傳曰齊宣

王時有人鬪死道者被一創齊義二子立其旁吏問之
兄曰我殺之弟曰非兄乃我殺之暮年相推不決召其
母問所欲殺活母泣對曰殺少者相曰少子人之所愛
欲殺之何也對曰少者妾之子長者前妻之子子雖痛
謂義何宣王美其義皆赦之 又曰古師安妻呂君少

寡無子其兄犯法君乃泣曰少遭家不造兄弟單彫門宗唯兄存而復此禍我有一計猶足免難為辭乞代兄命自經縣門縣官嘉其義乃捨之左傳曰宋向戌來聘且尋盟見孟獻子美其室曰子有令聞而美其室非所望也對曰我在晉吾兄為之毀之重勞且不敢問

又曰秦后子有寵于桓如二君于景

后子秦桓公子景公母弟鍼也其權

寵如兩君也

其母曰弗去懼選鍼適晉其車千乘曰秦伯之

弟鍼出奔晉罪秦伯也后子享晉侯造舟于河十里舍

車自雍及絳歸取酬幣終事八反司馬侯問焉曰子之
車盡于此而已乎對曰此之謂多矣若能少此吾何以
得見 又曰鄭莊公弟共叔段居京謂之京城太叔祭

仲諫曰都城過百雉國之害也無使滋蔓蔓難圖也蔓
草猶不可除況君之寵弟乎 漢書曰陳平陽武戶牖

人也少時家貧好讀書有田三十畝與兄伯居伯常耕
田縱平游學 原又曰馮立字聖通與兄野王相代為

西河上郡太守民歌之曰大馮君小馮君兄弟繼踵相

因循

詳太守

又曰卜式河南人以田蓄為事有少弟弟

壯式脫身出獨取畜羊百餘口以田宅財物盡與弟式
入山牧十餘年羊致千餘頭買田宅而弟盡破其產又
分財與弟者數矣 又曰王商字子威涿郡蠡吾人商
為太子中庶子以肅敬敦厚稱父薨商嗣為侯推財以
分異母諸弟商無所受 東觀漢記曰魏霸字喬卿濟
陰人為鉅鹿太守妻子不到官舍念兄嫂在家勤苦而
獨尊樂故常服麤糲不食魚肉婦親蠶桑子躬耕與兄

弟子同苦樂鄉里慕其行化之 又曰王琳年十餘喪
父母遭大亂百姓奔逃惟琳兄弟獨守家廬弟季出遇
赤眉賊將為誦琳自縛請先季死賊矜而放之 又曰

趙孝字長平沛國蘄人兄弟怡怡鄉黨歸德王莽時天
下亂人相食弟禮為賊所得孝聞即自縛詣賊曰禮久
餓羸瘦不如孝肥賊並放之 續漢書曰姜肱字伯淮

彭城廣威人家世名族與弟仲海季江皆以孝行著與
弟同被臥甚相親友及長相愛不能相離 增後漢書

曰班固以父彪所續前史未詳乃潛精研思欲就其業
既而有人上書顯宗告固私改作國史者有詔下郡收
固繫京兆獄盡取其家書固弟超恐固為郡所覈考不
能自明乃馳詣闕上書得召見具言固所著述意而郡
亦上其書顯宗甚奇之除蘭臺令史 又曰梁商字伯
夏安定烏氏人常曰多藏厚亡為子孫累每租奉到及
兩宮賞賜便置中門外未嘗入藏悉分與昆弟 海內
先賢傳曰范丹字史雲讓財千萬與三弟 原異苑曰

荀林宗字君儒乘水省舅陷河而死兄淪於水側投牋
與河伯岸側水開君儒執牋浮出 增汝南先賢傳曰
潁川陳寔有子曰元方曰季方並以名德稱兄弟孝養
閨門雍睦海內慕其風四府並命無所屈就兄弟嘗過
同郡荀爽夜會飲宴太史奏德星聚 魏書曰房景先
沉敏方正事兄恭謹出告反面晨昏參省側立移時兄
亦危坐相敬如賓客兄曾寢疾景先侍湯藥衣冠不解
形容毀瘁親友莫不哀之 原吳書曰劉繇長子基遭

家多難嬰丁困苦潛處味道不以為戚與羣弟居常夜臥早起妻妾稀見其面諸弟事之如父不妄交游門無雜賓 增晉書曰徐州刺史呂虔有佩刀工相之以為必三公可服此刀謂別駕王祥曰苟非其人刀必為害卿有公輔之器故以相與祥受之及祥死之日以刀授弟覽曰吾兒凡汝後必興足稱此刀故以相與 三十國春秋曰裴楷嘗為別宅宅甚美楷兄欲之楷便讓之宋書曰蔡廓罷豫章郡還起二宅先成東宅與弟軌

又曰徐湛之年數歲時與弟淳之共車行牛奔車壞

左右人馳來赴之湛之先令取弟衆咸歎其幼而有識

唐書曰韋嗣立與兄承慶異母少友愛母王氏遇承

慶嚴每鞭笞之嗣立解衣求代母不聽即遣奴自笞母

感悟遂均愛焉議者以比王祥王覽 宋史曰黃山谷

謫黔州嘗書萍鄉縣壁曰兄元明自陳留渡漢沔上夔

峽過一百八盤涉四十八渡送余至摩圍山掩淚握手

臨別有詩云急雪鵲鵲相並影驚風鴻鴈不成行 又

曰陸九齡字子壽弟子美子靜伯仲閭閻侃侃自相師友

兄弟三

兄弟友恭

兄弟齊名

兄弟俱貴

從兄弟

義兄弟

兄弟不睦 用刑俱

附

原因心

本性

詩維此王季因心則友則友其兄則篤其慶 庾袞列傳次兄有疾癘氣方殷

袞納漿粥扶持不舍晝

棣華

荆葉

上詳詩

周景

夜友愛之至本之天性

式孝子傳古有

兄弟意欲分異出見三荆同根接葉連陰

致美

立

歎曰木猶欣聚況我而殊異哉還共雍和

敬

史佚有言兄弟致美 下詳兄弟

增竹筍

鸞龍

開元遺事明皇游後苑有竹叢

密荀不出外帝顧諸王曰父子兄弟相親當如此因謂之義竹 藝文昔我兄弟如鸞如龍喻兄弟之賢也

營產 哭麻

南史孔顗為長史弟道存從弟徽頗營產業二弟請假歸輜重十餘船皆縣絹

紙席之屬顗正色曰汝輩忝為士流何類賈客邪命燒盡而去 劉崇龜弟崇魯與崔緯善帝以李磎輔政緯

懼見奪共謀沮之及磎白麻出崇魯輒掠麻大哭帝問之崇魯曰今雖乏人豈宜取儉人為宰相磎由是不得相崇龜聞之曰吾兄弟未始以聲名敗今不幸乃生是兒

麈尾

鹿車

晉書李矩表郭誦為

揚武將軍屢敗石勒誦弟元為賊所執賊遣元以書說矩曰去年東平曹嶷西賓猗盧矩如牛角何不歸命矩以示誦誦曰昔王陵母在賊猶不改意弟當何論石勒復遺誦麈尾馬鞭誦不答 後漢書杜林字伯山初為郡吏客河西隗囂深相敬待林雖拘于囂而終不屈節弟成物故囂聽林持喪歸既遣而悔追令刺客楊賢于

隴坻遮殺之賢見林身推鹿車載致弟喪乃歎曰
當今之世誰行義我雖小人何忍殺義士因亡去

原

萌肥

禮瘦

東觀漢記倪萌字子明齊國臨淄人常勤
身田農遭歲倉卒人民餒饑相啖與兄俱

出城採蔬為赤眉賊所得欲殺啖之萌詣賊叩頭言兄
年老羸瘠不如萌肥健願代兄賊義而兩釋之下趙

孝事

分甘美

同衣食

東觀漢記孔奮篤骨肉弟奇
在雒陽為諸生分祿俸以供

給其糧用四時送衣下至脂燭每有所食甘美輒分減
以遺奇江徽陳留志李銓平丘人有至行銓兄前母

子後母甚不愛而衣食皆使下銓銓始年五歲覺已衣
服勝兄即脫不著須兄得已同然後服之其母遂不得

有偏 梁王同輦 清河共室

漢書梁孝王入朝景帝使
使持乘輿馬迎梁王于

闕下入則侍帝同輦出則同車游獵張瑩漢南記孝
和皇帝諱肇章帝中子也兄慶為皇太子母被讒死慶

為清河王帝年四歲代為太子而特親慶入則共室出則同車

許荆解劍 李鴻刻

印

上見叔姪類

後漢書李鴻字奉遜友于兄弟弟育為人所侵辱育後陰結客報怨為執法吏所得當伏

罪時未立嗣鴻為太尉掾在京師傷育以義刷恥門戶斷絕自分代育遂刻印還歸欲過家恐見妻子虧移其意到縣北亭預作記乞代育通記便飲鴆而死縣令省記怛然驚感

孔融爭死 冷平

讓生

司馬彪續漢書山陽張儉為中常侍侯覽所忿疾下州郡捕儉儉與孔融兄褒有舊亡投褒遇褒出

時融年十五六留舍藏之後以客發洩覺知儉脫走收融及褒送獄融曰保納藏舍者融也融當坐褒曰彼來投我罪我之由非弟之過我當坐兄弟爭死郡縣疑不能決乃上讞詔令坐褒融由是著名 崔鴻南燕錄有司奏沙門僧智夜入臨淄人冷平舍淫其寡嫂李氏平與弟安國殺之郡縣按平兄弟以殺人論而平安國各

引手殺讓生競
死義形急難

陰慶推第 李孟讓田

張瑩漢南記
陰慶為銅陽

侯其弟員及丹皆為郎慶以明尚書修儒術推居第園
田奴婢錢悉分與員丹慶但佩印綬而已 陳壽益部

耆舊傳李孟元修易論語大義畧舉質性恭順與叔子
就同居就有痼疾孟元推所有田園悉以讓就夫婦紡

績以自
供給

壽子載旌 姚萇授馬

左傳衛宣公烝于夷
姜生急子為之娶于

齊而美公取之生壽及朔使諸齊使盜待諸葦將殺之
壽子告之使行不可及行壽子飲以酒載其旌以先盜

殺之 崔鴻後秦錄姚襄與李厯戰馬中流矢弟萇下
馬以授襄襄曰汝何以自免萇曰兄濟此豎子安敢害

萇天下可無我不可
無兄會救至俱免

盧毓養寡

仙偉訓孤

漢書盧
毓字子

家涿郡人父植有名於時毓十歲而孤遇本州亂二兄
死難當素紹公孫瓚交兵幽冀年荒養寡嫂兄子以學

行稱 魏書仙偉弟少亡偉撫寡訓孤同居二十餘年恩義甚篤不營產業身亡之後賣宅營葬

姜

肱同被 李克易衣

上見前 下詳見去妻

請代得免 爭死

遂釋

淳于恭弟為賊所得請代得免死

漢書姜肱與

弟季江謁郡夜于道逢賊欲殺之肱兄弟爭前死賊遂兩釋之

東帶後語 掩戶自搗

劉璉兄璉每隔壁呼璉璉束帶

但奪衣資

而後語

後漢書繆彤字公豫兄弟四人同財及各娶

兄弟求分異彤乃掩戶自搗曰修身謹行學聖人法將

以齊整風俗奈何不能正家及諸

增封之有庫

逃

婦聞之叩頭謝過更為敦睦之門

于荆蠻

孟子象至不仁封之有庠

史記吳泰伯與弟

仲雍皆周太王之子季歷之兄也季歷賢而有

聖子昌太王欲立季以及昌于是太伯仲雍

弟優于

乃逃荆蠻文身斷髮示不可用以避季歷

兄 兄勝其弟

世說王獻之常與兄徽之操之俱詣謝安二兄多言俗事獻之寒暄而已客問

王氏優劣安曰少者佳客問其故曰吉人之辭寡李義琰使高麗其王據榻召見義琰不拜曰吾天子使可當小國君君奈何倨見我王辭屈為加禮及義琛再使亦坐召之義琛匍匐拜伏時人由是見其兄弟優劣焉

聞聲乃識

唾面自乾

後漢書夏馥以聲名為中官所忌遂被誣陷詔下州郡捕

為黨魁馥乃自剪鬚變形為冶家傭親突烟炭形貌毀瘁弟靜于涅陽市遇馥不識聞其言聲乃覺而拜之網鑑婁師德弟守代州辭之官師德教之耐事弟曰人有唾面潔之而已師德曰潔之是逢其怒正使自乾耳

憐兄受撻

質弟給需

唐書李景莊老于塲屋每被黜母必撻其兄景讓宰相謂

主司曰李景莊今歲不可不收可憐彼兄每歲受撻由是始得及第 桓沖傳桓溫弟沖小字買得郎初溫兄

弟俱少家貧母病需羊解濕溫乃以沖
為質羊主言不欲為質幸為養買得郎

增兄弟友恭

夢草

分荆

南史謝惠連十歲能屬文兄康樂賞愛之
嘗于永嘉西堂思詩竟日不就忽夢見惠

連即得池塘

生春草園柳變鳴禽曰此語有神助非吾
所能及也續齊諧記京兆人田真與弟廣慶三人分

財各居堂前

有紫荊花一株甚茂共議破而為三至明

旦即枯死真驚謂二弟曰

荊本同株當分折便憔悴況

人兄弟而可離是人不如木

射牛不問

傷犬得差

矣兄弟相感復合荆亦復茂

隋記牛弘寬厚弟弼好酒因醉射殺弘駕車牛弘還宅

其妻迎謂之曰叔射殺牛弘無所推問直荅云作脯坐

定其妻又曰叔忽射殺牛大是異事弘曰已知之矣顏

色自若讀書不輟宋書張暢弟收為獠犬所傷醫曰

食蝦蟇膽即愈收甚難之

逃遁讓封

孤惇相育

後漢

暢含笑先嘗收因啖得差

書居巢侯劉般薨子愷當嗣稱父遺意讓其弟憲逃遁
十餘歲有司稱絕其國賈逵上書曰孔子稱能以禮讓
為國乎何有有司不原樂善之心而繩以尋常之法非
所以表克讓之風成含弘之化也和帝詔聽憲嗣爵徵
愷為郎唐書陽城字亢宗舉進士第後隱中條山與
二弟堦域常易衣而出長不肯娶謂弟曰吾與若孤惻
相育既娶則間外姓雖共處而亦
疎我不忍為弟義之亦不娶終身

樹字連枝樓名

花萼

謝靈運答惠連詩況我連枝樹與子同一身

恭

順處兄

唐書明皇與諸王友悌造花萼相輝之樓
後村詩話曹植以蓋代之才他人猶愛之況于
父兄乎雖丁儀等坐誅辭不連植黃初之世數

有貶削方責躬上表求以自試兄不見察而不敢廢恭
順之義卒以自全可謂仁且智矣文中子曰至哉思王

以天下讓
真篤論也

惟取圖書不私錢帛

南史王曇首太保
弘之弟幼有素尚

兄弟分財曇首惟取圖書而已唐書崔孝暉奉兄孝
芬盡恭順之禮坐食進退兄不命則不敢也一錢寸帛
不入私房吉凶所須坐對分給
諸婦亦相與親愛有無共之
兄代弟官 弟為兄

友 高元裕自侍講為中丞文宗難其代元裕表言兄少
逸才可任因以命之世榮其遷 晉書劉審理與弟

延景為友得祿多資之蕭介與兄弟
文酒會賞時人以比謝氏烏衣之游
伏願內徙 得

免外出 唐書張嘉貞奏事京師明皇數慰勞嘉貞自陳
少孤與弟嘉祐相恃以長今為鄴州別駕伏願

內徙使少相近帝為徙嘉祐忻州刺史 又岑文本弟
文昭任校書郎多交輕薄帝不悅謂文本曰卿弟多過

朕將出之文本曰臣少孤母所鍾念者弟也不欲離左
右今若外出母必憂無此弟是無母也泣下嗚咽帝愍

其意召文昭
讓責得免出
名標廉讓 志勵清高 交州記李祖仁
兄弟十人並慈

孝廉讓因名其江曰庶讓江東觀漢記鄧彪字伯智南陽人父邯世祖中興從征伐以功封鄆侯彪以嫡長為世子邯薨彪當嗣爵讓國與異母弟鳳明帝高其節詔書聽許鳳襲爵彪仕州郡

讓產擔金

聚堂還室

列女傳廣漢汝婦者汝敷之妻也居世殷富兄弟早孤而嫂貪吝敷所受田宅奴婢

三百餘萬悉讓于兄裁留地數十畝起舍耕作土中得金一器敷以示妻妻曰本言讓先祖所有此獨非其有耶敷曰固吾意也乃俱擔金與兄嫂嫂見金而喜兄乃惻然感悟棄妻還金魏書楊播字元慶昆季相事有如父子播剛毅椿津恭讓兄弟旦則聚于廳堂椿年老曾他處醉歸津扶持還室仍假寐閣前承候安否椿津年過六十並登台鼎而津嘗旦暮參問子姪羅列階下椿每近出或日斜不至津不先飯椿還然後共食食則津親授匙箸味皆先嘗椿命食然後食

事兄如父 呼弟以君

宋書謝弘微少

孤事兄如父

蘇子由已

卯生東坡嘗號為外君

相約早休 同時請老

蘇子

由曰轍初從子瞻兄讀書未嘗一日相舍既仕宦游四方讀韋蘇州詩那知風雨夜復此對牀眠惻然感之乃相約早休為閒居之樂其後熙寧十年二月始會于澶濮之間留百餘日宿于逍遙臺追感前約作小詩以紀之宋史韓獻肅公絳兄弟天性友愛自忠獻公為兩府大臣至公兄弟為宰輔者三人公將歸許而兩弟時亦皆七十同時請老朝廷雖未之許其為榮盛前古未有也忠獻乃獻肅公之父億也

詩酒相

娛 清白交勵

宋周益公名必大字子充廬陵人以太傅退休其兄承成先生以將作監丞退

休年皆八十詩酒相娛終其身宋史李綸提舉廣東適伯兄維守恩平酌別江濱兄弟相勵以清白綸臨江矢言曰倘負君民有如此水遂投杯于江杯停不沒者久之觀者驚歎民歌曰石門之水清且清晉吏一畝千

古榮爭如李公投杯
瞿江流淘淘杯傳停

怒其辭名

戒以擇交

宋史范純仁兄

純祐有心疾奉之如父藥膳居服皆躬親賈昌朝守北都請參幕府以兄辭宋庠薦試館職謝曰輦轂之下非兄養疾地也富弼責之曰臺閣之任豈易得何庸如是卒不就蘇東坡泛愛天下無賢不肖歡如也弟子由少許可嘗戒擇交東坡曰吾眼前見天下無一箇不好人增兄弟齊名兩驥八

龍劉正兄弟二人時號兩驥

世

二陸三張

本傳士衡

士龍本傳孟

五常二惠

蜀志馬良字季常眉間有白毫兄弟五人時人

陽景陽季陽

為之語曰馬氏五常白眉最良左傳二惠競爽猶皆善

六龍八達

晉書卞壺兄弟

並登宰輔世稱卞氏六龍

雙丁兩到

魏志丁儀丁廙俱有

安平王兄弟八人時號八達

文才人稱雙丁 南史到溉字茂灌擢弟子也父坦齊中書郎溉少孤貧與兄洽俱知名起家王國左常

侍樂安任昉大相賞好提挈溉洽二人廣為聲價稱兩到云

東漢二龍 北齊兩

鳳

後漢書許邵字子將汝南平輿人也兄虔亦知名汝南人稱平輿之淵有二龍焉北齊書崔陵與弟仲

文俱有名同日受拜時號兩鳳連飛

賈門三虎

張氏十龍

後漢書賈彪字偉節

兄弟三人並有高名而彪最優故天下稱之曰賈氏三虎偉節最怒語林魏張魯有十子時人語曰張氏十

龍儒雅

王氏三珠

陸家雙璧

唐書王勃與兄勔勔皆著才名杜易簡稱

溫恭

為三珠樹三珠樹生赤水之上

陸曄與弟恭之

孟

並有時譽洛陽令見之曰僕已年老更覩雙璧

氏雙珠

蘇庭連璧

南史孟昶與弟顗並美風姿時人謂之雙珠蘇東坡與弟子由及

孔文仲經甫與弟武仲常甫平仲毅甫俱以才名播天下黃山谷贈詩曰二蘇稱連璧三孔分立鼎天不墜斯文俱來

山稱二隱

秦號兩君

梁書何胤為中書令後去職居會稽若邪

山雲門寺二兄求點並棲遁求先卒至是胤又隱世號點為大山胤為小山本傳唐初漢書學大興其章章者若劉伯莊秦景通兄弟劉納言皆名家景通與暉皆有名精漢書號大秦君小秦君

慈孝廉

讓

酪酥醴乳

上李祖仁事見前友恭類

唐書穆贊

監察御史皆以守道行誼顯兄弟和粹世以珍味目之贊少俗然有格為酪質美而多文為酥員為醴酬賞為腐乳貞元間言

為聯珠集

號花萼篇

又曰竇羣與家法者稱之

羣五人皆為郎工詞章義取五星故名為聯珠集行于世又曰李義山與兄弟俱以文章名同為一集號曰

李氏花

芻集

俱善文辭 皆敦士行

又曰劉知幾與弟知柔俱以善文辭有名

人號其鄉曰高陽里曰居巢

又曰陸象先弟景倩景

融景猷景喬僧一行少時與象先兄弟相善嘗謂人曰

陸氏兄弟皆敦士行

汝穎無對

貢舉兩收

陳羣與孔融論

古之荀陳無以過也

汝穎人物羣曰荀文若休若仲豫當今無對也

乾闥

子唐張越石楚金同舉有以兄弟不可兩取欲俱退之

李靖歎曰貢舉本

西州五鳳

北魏九龍

宋史永康人謝發有

求才行何妨雙舉

五子固田因圓困以文詞迭魁太學號西州五鳳

北

史魏王昕字元景生九子並風流醞藉世號王氏九龍

龍駒鳳雛

王昆金友

南史晉陸雲崑山人六歲能屬文與兄機齊名幼時吳尚

書閔鴻見而奇之曰此兒若非龍駒定是鳳雛

梁書

王琳二子銓錫銓雖學不及錫而孝行齊焉時人以銓

錫為玉昆金友按銓
字公衡錫字公嘏

洛下三嘏

汝南二應

晉書劉宏字終

嘏兄粹字純嘏弟演字冲嘏並在中朝世人語曰洛下雅雅有三嘏魏志應劭字仲遠弟珣字季瑜生二子

瑒字德璉瑒字休璉咸以文章顯

龍文驥子

龜駒玉鴻

裴寅明二子景鸞景

鴻並有逸才河東稱其兄為驥子弟為龍文宋史洪

師民四子長朋字龜父有詩百篇為郡舉首次窮字駒

父第進士有詩千餘篇靖康中為諫議大夫次炎字玉

父登第官至著作郎祕書少監次羽字鴻父元符末入

黨籍遂終其身紹興中官其一子按師民娶黃山

谷妹四洪皆山谷甥也俱有名潘邠老曾贈以詩

神

思清發 大器晚成

晉書劉實字子真平原高唐人也弟知字子房貞潔有兄風為潁川

太守平原管輅嘗謂人曰吾與劉潁川兄弟語使人神思清發昏不假寐自此之外殆白日欲寢矣後漢書

馬援字文淵三兄況余員並有才能王莽時皆為二千石援年十二而孤少有大志諸兄奇之嘗授齊詩意不能守章句乃辭況欲就邊郡田牧況曰汝大器當晚成良工不示人以朴且從所好

濟世保家

內潤外朗

上東漢韋元將仲將事見父子類荀靖與弟爽俱有才名或問汝南許章曰

後漢

爽與靖孰賢章曰二荀皆玉也慈明外朗叔明內潤

名相上下

表奏短長

盧

與兄爽名相上下而剛毅過之唐書王維三遷尚書右丞弟縉為蜀州刺史俱有才名維自表已有五短縉有五長臣在省戶縉在遠方願歸所任官放回田里使縉得還京師

令伯六龍

充西

三馬

華陽國志李密字令伯六子皆英挺逸秀號曰六龍北齊書馬子結兄弟三人皆涉文學陽休之

牧充西子廉子尚子結與諸朝士各有詩言贈休之總為一篇酬答曰三馬皆白眉者也

一門龍

友 二子鳳毛

前涼錄辛攀字懷遠與二兄鑒曠弟寶迅皆以才識知名秦雍語曰五龍一門

金友玉昆

金史鄭宏遠金源令二子子京

增兄弟

子聃楊丘行嘗謂人曰金源二子鳳毛也

俱貴皆為郡縣

並作臺郎

漢書何武字君公蜀都郡人兄弟五人皆為郡縣

晉書祖逖字士雅范陽人與弟約將母詣洛交結人流逖舅程元良良弟叔並臺郎州郡有勢于洛

使

俱兩綬 愧無一言

漢書金日磾兩子賞建俱為侍中賞為奉車建駙馬都尉及賞嗣侯

佩兩綬上謂霍光曰金氏兄弟不可使俱兩綬耶光對

曰賞自嗣父為侯耳上笑曰侯不在我與將軍乎光曰

先帝之約非功不侯後漢書鄧悝字叔招安帝即位

拜城門校尉自延平之初悝兄弟率常在中供養兩宮

悝上疏曰幸得遭值聖明兄弟充列顯位並侍帷幄與

聞政事無拾遺一言以補萬分而久在禁省日月益長

罪責日深惟
陛下哀憐之

前後象州 大小上郡

南史夏侯夔為
象州刺史兄亶

先經此任並有恩惠百姓歌曰前兄後弟布政優優
馮立與兄野王相代為西河上郡太守民歌之曰大馮
君小馮君兄弟繼踵相因循聰明賢知惠
吏民政如魯衛德化均周公康叔猶二君
俱官八座

皆登三品

唐書閻立本代兄立德為工部尚書兄弟
相代為八座時人榮之 又曰崔郾兄弟

六人至三品 郾鄆凡為禮
部五吏部再唐興無有也

對管華近 同為幕官

又曰溫大雅遷黃門侍郎弟彥博亦為中書侍郎對管
華近識者榮之高祖從容謂曰我起晉陽為卿一門耳
西川杜憬辟楊收節度判官弟嚴觀察判
官兄弟同幕時人榮之未幾同入為御史
大小大

夫 弟兄節度

唐書李光進其先河曲諸部姓阿鐵氏
王承宗救易宗表光進為將時光顏亦

至大夫故軍中呼大小大夫

又曰涼國李愬自鳳翔

隴右節度代其兄愿為武寧軍節度使弟兄交換徐岐

兩鎮 碑稱棠棣

第有梧桐

賈敦頤為洛州司馬人為長

史人復為立碑其側號棠棣碑

韓子華兄弟皆為宰

相所居第有梧桐京師稱桐木韓家以別康公其家呼

子華為三相公

兄草弟麻

弟書兄制

金坡遺事錢希白惟演從

持國為五相公

兄也惟演拜相希白當制世稱弟拜相兄草麻前代未

有元豐官制行曲阜之除天官南封為西掖行詞元

符末魯公拜相曲阜以學士草制對便殿以親嫌辭上

云禁中已檢見韓維故事乃批旨云兄弟迭居詞禁兄

行弟辭弟

時羨三楊

人稱七薛

楊憑與弟凝凌皆有名大歷中踵擢

草兄制

進士第時號三楊

唐書薛播兄

三人輔相

一時

弟七人皆擢進士第時號七薛

貴顯

上韓獻肅絳事見前兄弟友恭類

宋史陳堯叟

堯佐俱拜平章堯咨以儒臣換節度使一時貴顯

召弟代兄

同時出守

唐書韋嗣立為萊蕪令太宗召問曰卿父嘗言臣有兩子

堪事陛下卿兄弟在官誠如父言朕今以卿代兄即日拜鳳閣舍人

南史梁簡文帝餞臨海太守劉孝儀蜀

郡太守劉孝勝詩曰兩

同官兩省

繼美三司

唐書裴寬

杜昔夾河二龍今出守

兄弟八人皆擢明經任臺省

張暉贈開府

自稱仕

儀同三司子履永金吾將軍弟季良殿中監

宦世羨顯家

唐書崔湜與弟液澄從兄洎並以文翰居要官每宴私比東晉王謝曰吾一門

入仕歷宦未嘗不為第一丈夫當先據要路以制人豈能默默受制于人哉

孫簡歷河中興元宣武節度而

弟範亦為淄青節度使世推顯家

疊至詔書

對擁旌節

唐闕史左丞盧渥字

子章軒冕之盛近代無比伯仲四人咸登顯列乾符初
母憂服闋渥拜陝西觀察使治除給事中沅除左拾遺
治遷監察御史詔書墨至及赴任陝郊洛城朝臣以下
設祖筵洛城為之一空都人聳觀亘數十里有白鬚驛
吏聲指曰某自擁篲清郵五十載未嘗觀祖送之盛有
如此者渥題詩于嘉祥驛云 唐書楊汝士為東川節
度使時嗣復鎮西川乃族 增從兄弟河東三鳳 轅
昆弟對擁旌節時人榮之

門二龍

唐書薛元敬隋選部郎中邁之子與從兄弟收
及族兄德音齊名世號河東三鳳收為長離德

音為鸞鷟元敬年少為鸞雛武德中為文學館學士杜
如晦重之 孔帖烏承玘與族兄承恩皆為先鋒沈勇

剛決號轅
門二龍

貲財無異

鄉里同稱

牛敬則與三從兄
弟居四十餘年貲

產無異 後漢書蔡邕與從弟
同居三世不分財鄉里高其義

念平生語 思自全

計又曰馬援為新息侯從容謂官屬曰吾從弟少游哀

餘徒自苦耳當吾在浪泊西里間下潦上霧毒氣薰蒸

仰看飛鳥跼跼墮水中臥念少游語何可得也晉書

曰王衍居宰輔思自全之計以弟澄為荊州從弟敦為

青州曰荊州有江漢之固青州有負海之險卿二人在

外而吾留此足以為

三窟矣識者鄙之

封胡遏末 龍子釋奴世說謝

羣從兄弟則有封胡遏末按封胡謝韶小字遏末謝淵

小字或曰封謂朗遏謂元末謂韶一作胡謂淵遏謂元

末謂韶隋書盧昌衡小字龍子從弟思道小字釋奴

宗中俱稱英妙故幽州為之語曰盧家千里釋奴龍子

越俗超塵 聯冠積笏南史梁劉歊字子元博學能

兄弟二人卜築鍾山有終焉之志劉孝標稱之曰討超

超越俗如天半朱霞歊矯矯出塵如雲中白鶴皆歎歲

之梁稷寒年之纖續也唐書崔儼諫議大夫羣從數十人自興寧里謁大明宮冠蓋蟬聯歲時宴于家以一榻置笏猶重積其上琳與弟太子詹事珪光祿卿瑤俱列榮戟號三戟崔家

升殿偕榮

詞林同貴

又曰鄭善果詔與裴寂等十人每奏事得升殿而從父兄元璿亦與時以為榮元史鄭

滁孫宋景定進士至元間為學士弟陶孫亦登進士授編修修國史至宋德祐末年事陶孫曰臣嘗仕宋宋是年亡義不忍書遂終不書

原義兄弟小一月

侍終日

吳志孫權母謂權曰

公瑾伯符同年小一月耳我視之如子汝可兄事之蜀志關羽張飛為別部司馬先主與二人寢則同牀恩若兄弟稠人廣坐立侍終日

增兄事鄭僑

交懽趙禹

史記孔子過鄭與子

產如兄弟兄事子產漢書張湯趙禹共定律令務在深文禹至少府湯為廷尉交懽湯兄事禹

原

兄事袁盎

弟畜灌夫

史記季心任俠殺人亡吳從袁絲兄事之弟畜灌夫

增

兄弟不睦小忿

私情

左傳兄弟雖有小忿不廢懿親蜀志許靖與從弟劭俱知名

有人倫盛名私情不協劭為郡功曹排擯靖不得齒敎也

尋斧

散金

左傳宋昭公將去羣

公子樂豫曰公族公室之枝葉也葛藟猶庇其根本故君子以為比而縱尋斧焉必不可通鑑主父偃為齊相偏召昆弟散五百金與之曰無復入偃之門

鞠子

友生

書兄亦不念鞠子哀大不友于

弟注言為人兄不念稚子之可哀大不能和友于弟詩雖有兄弟不如友生

絕國

閱牆

晉信苕祈訴以絕魯曰信蠻夷之訴絕兄弟之國詩兄弟閱于牆外禦其侮

奴畜

火攻

史記衛青少時自平陽公主家歸其父父使牧羊先母之子皆奴畜之不以為兄弟下周伯仁事見前

相瘡

不協

詩不令兄弟交相為瘡

左傳

擁馬

寄牋

前燕錄慕容廆父涉歸分部落七百戶與長庶子吐谷渾分馬以給之廆嗣位而部馬鬪廆怒遣使

讓渾渾曰兄弟至親而以馬鬪加怒當去汝萬里于是遂西移八千里廆後悔之遣乙那樓追渾謝之乃擁回渾馬馬東行數百步輒悲鳴西奔樓曰此非人事遂附陰山面黃河後遷隴右談苑韓浦浦韓洎咸有詞學洎常輕浦語人曰吾兄為文譬如繩樞草舍聊庇風雨予之為文是造五鳳樓手浦竊聞其言偶得蜀牋以詩贈洎曰十樣蠻牋出益州寄來新自浣溪頭老兄得此全無用助爾添修五鳳樓

粟布

左傳高辛二子長曰閼伯季曰實沈居于曠林不相能也日尋干戈以相征討綱鑑漢文徙淮南

王於蜀嚴道不食而死人謠曰一斗粟尚可春一尺布尚可縫兄弟二人不相容

譬斷手

尋干戈

謠

譏失教

又曰袁譚欲攻弟尚王修諫曰此敗亡道也兄弟左右手譬人將鬪斷右手曰我必勝乎春

秋鄭伯克段于鄆傳曰稱鄭伯譏失教也

哭影堂

泣家廟

宋史王安國嘗陳于兄安

石曰天下洵洵不樂新法恐為家禍安石不聽安國哭于影堂曰家門滅矣朱子嘗言陳亨伯創經制錢時

兄弟有名某者勸止之不從乃率其子姪泣于家廟以為作俑之罪祖宗將不祀矣

謗訕免官

輕侮損譽

晉書散騎常侍祖納初與弟約不睦中宗甚任約疎納納乃言于中宗曰約為人外

有國士之形內懷凌上之性抑而使之可也若假其權必為亂階中宗弗納納遂以兄弟相謗免官及後約為逆論者始知納忠誠宋史和嶠為少保散騎常侍性至儉恪同母弟郁素無名稱嶠輕侮之以此為損

升沉構怨

感悟為善

唐書劉仁軌既宜達其弟仁相在鄉曲升沉不同遂構嫌恨與

兄別籍每于縣祇奉戶課或謂之曰何不與給事同籍
五品家當免差科仁相曰誰能向狗尾底避陰涼邪
宋史王魏公有弟傲不可訓一日遇冬至祠家廟列百
壺于堂弟皆擊破之家人惶駭魏公忽自外來入見酒
流滿路不可行公無一言但攝衣步入其後弟忽感悟為善

飲乳輟爭 噉棗中

毒

韓思彥巡察劔南有兄弟相訟累年不決思彥令厨

宰飲以乳兄弟泣曰公以吾弟兄同乳而生邪遂輟
爭訟世說魏文帝忌弟任城王驍壯因在卞太后閣
共圍棊並噉棊文帝以毒置諸棊蒂中自選可食者而
進王不悟遂雜進之既中毒太后索水救之帝預勅左
右毀餅罐太后徒跣趨井無以汲須臾遂卒復欲害東
阿太后曰汝已殺我任城不得復殺我東阿

不睦不弟 不友不恭

以周禮

刑糾萬民二曰不睦之刑三曰
不弟之刑下詳見兄弟一

用刑誅管 克段詩

序

管蔡流言以亂周室周公乃誅管叔而放蔡叔

左傳鄭伯克段于鄆詳前

揚干亂行晉

侯不罪其用鉞叔魚鬻獄叔向亦明其正刑

又曰晉侯弟揚

干亂行于曲梁魏絳戮其僕晉侯謂絳曰寡人有弟不能教訓使干大命絳謝曰不敢廢命至于用鉞叔魚為理官納雍子之女蔽罪邢侯邢侯怒殺叔魚與雍子於朝叔向曰三人同罪施生戮死可也雍子買直鮒也鬻獄邢侯專殺其罪一也仲尼曰叔向古之遺直也治國制刑不隱于親

兄弟四

原賻布班貧

禮記子柳之母死既葬子碩請以賻布之餘具祭器子柳曰君子不家于喪請班諸

兄弟之

旁治

又曰旁治兄弟治正也

無相猶矣

詩兄及弟矣式相好矣無

貧者

相猶

貴介

左傳王子圍寡君之貴介弟也

以勇以諾

史記季布以諾弟季心以

矣

勇楚人諺曰得黃金

訟田相責

漢書韓延壽為左馮翊有昆弟訟田延壽

百不如得布一諾

傷教化不至乃閉閣思過於

北嚮東嚮

又曰丞相田蚡召客

訟者慚悔以田相移終死

田園取荒

又曰薛包

飲坐其兄蓋侯北嚮自坐東嚮以為漢相尊不可以兄故私撓由此漸驕

田園取荒

又曰薛包

好學敦行弟求分財異居包不能止乃中分其財奴婢取老弱者曰我與共事久矣田園取其荒者曰吾少時

欲就弟名

魯恭憐弟平小欲就

所理意所戀也器物取其朽敗者曰吾素所服食身口所安也

其名託

不受辟

後漢書鍾皓字季明以二兄未顯故不受公府辟

欲辭爵

病不仕

又曰韋元成兄弘為太常丞多罪過父賢為丞相以弘當辭敕令自免及賢病篤門下生矯賢令以元成為後

賢薨元成即陽為病狂不應
召欲讓爵辟兄宣帝高其節

欲成弟舉

又曰許荆祖父武第五倫

舉武乃為孝廉以二弟普晏未顯欲成之乃謂曰禮有
別居乃剖財為三分自取肥田疆奴婢鄉人皆稱二弟
義讓普晏等以得舉武乃會宗族泣曰吾盜聲位二弟
未立所以自取大譏今理產所增三倍于前悉推二弟
一無
不過從兄飯
又曰光武問第五倫伯魚曰聞卿為吏不過從兄飯有之乎對曰臣

少遭飢亂實不敢
妄過人食帝大笑

季方難為弟

世說陳長文孝先共論其父因白寔寔曰

元方難為兄
季方難為弟

盡與為傭錢

鄭均字仲虞兄為縣吏頗受禮遺均諫不從乃為傭

得錢帛歸與兄曰物盡可復得為吏
坐賊終身捐棄兄感悟遂為廉潔

何減驃騎

晉書何準兄為

驃騎勸準仕準曰第五之名何
減驃騎準兄弟中居第五也

投燭無忤

世說周顗字伯仁友

愛過常弟嵩因酒曰兄才不及弟橫得重名然蠟燭投之巔神無忤徐曰阿奴火攻誠出下策

僧彌

難為兄

世說王珣字季琰少有才藝名出珣之右語曰法護非不嘉僧彌難為兄法護珣小字僧彌珣

小字

達逮夏樂

又曰戴逮達之弟驍果多權略達屬操山東而逮以武勇顯謝安問志業何如

逮答曰下官不堪其憂家兄不改其樂

增腰鼓兄弟

南史沈懷文三子淡深沖沖仕齊為

御史中丞與兄淡深名譽有優劣世號為腰鼓兄弟淡深並歷御史中丞兄弟三人並為司直晉宋所未有也

若蜂腰矣

又曰周弘正幼孤及弟弘直為伯父捨所養弘正醜而不陋吃而能談誹諧似優剛

賜似直善元理為當世所宗自稱有才無相弘直方雅氣調高于次昆或問孰賢曰若蜂腰矣

阿鴻

摩天

北史崔光悌之子鴻弱冠有著述拜給事中光悌謂次子曰阿鴻摩天去汝可不勉哉

兄

尚節義

唐書李勣季弟感年十五有奇操李密敗陷于世充令作書召勣對曰兄尚節義今已事主不

能移也

友愛合丹

傳載劉巨麟開元中為廣州刺史弟仲丘為麗正殿學士兄弟友愛有羅

浮道者為巨麟合丹劑將分半以遺仲丘命刀中破之分鉢無差焉

不問有無

金史張穀天性

孝友任子悉先諸弟俸祿所得亦委其弟掌之未嘗問有無云

兄弟五

原詩漢拾遺書上留田行曰里中有啼兒似類親父子

回車問啼兒慷慨不可止

案上留田地名其地人不字孤弟鄰人作此以風之

魏曹植贈弟白馬王彪詩曰謁帝承明廬逝將歸舊疆

清晨發皇邑日夕過首陽伊洛曠且深欲濟川無梁汎
舟越洪濤怨彼東路長修坂造雲日我馬玄以黃鴟梟
鳴衡輓豺狼當路衢蒼蠅間白黑讒巧令親疎欲還絕
無逕攬轡止踟躕秋風發微涼寒蟬鳴我側原野何蕭
條白日忽西匿感物傷我懷撫心長歎息丈夫志四海
萬里猶比鄰何必同衾裯然後展殷勤倉卒骨肉情能
不懷苦辛 增曹子建七步詩曰煮豆燃豆其豆在釜
中泣本是同根生相煎何太急 原晉陸機與弟雲詩

曰有命自天崇替靡常王師乘運席卷江湘俯慚堂構
仰惟先靈孰云忍愧寄之我情昔我斯逝族有餘榮今
我來思堂有哀聲我行其道鞠為茂草我履其房屋存
人亡撫膺泣血灑淚彷徨 又詩曰伊我俊弟咨爾士
龍懷襲瑰瑋播殖清風非德莫勤非道莫弘垂翼東畿
耀穎名邦縣縣洪統非爾孰崇依依同生恩篤情結義
存並濟胡樂之悅願爾偕老攜手黃髮 又於承明作
與弟士龍詩曰牽世嬰時網駕言遠徂征飲餞豈異族

親戚弟與兄分塗長林側揮袂萬始亭南歸憩永安北
蓮頃承明 陸雲荅兄詩曰昔我昆弟如鸞如龍今我
友生凋俊陸雄華堂傾榱廣宅頽墉高門降衡修庭樹
蓬 又陸機贈弟雲詩曰行矣怨路長愁馬傷別促指
塗悲有餘臨觴歡不足我若西流水子如東峙岳慷慨
逝言感徘徊居情育安得攜手俱契濶成駢服 又陸
雲荅兄機詩曰悠遠塗何極別促怨會長銜恩戀行邁
興言在臨觴南津有絕濟北渚河無梁神往同逝感形

留悲參商衡軌若殊迹牽牛非服箱 宋謝靈運答謝

惠連詩曰懷人行千里我勞盈十旬別時花灼灼別後

葉蓁蓁 謝惠連西陵獻康樂詩曰哲兄感此別相送

越垌林飲餞野亭館分袂澄湖陰悽悽留子言眷眷浮

客心迴塘隱艫柁遠望絕形音 謝瞻荅靈運詩曰華

萼相光飾嚶鳴悅同響親親子敦余賢賢吾爾賞比景

後先暉方年一日長萎葉愛榮條涸流好河廣 梁簡

文帝應令詩曰微軀多幸接萼嘉運紫幄承慈青襟稟

訓傍玉流溫依蘭染薰百氏既洽六義乃摛辭河瀉潤
高論忘疲翠幕晨宇朱花夜池牕斜八綺燈懸百枝

又示晉陵弟詩曰零雨岐路悲送歸臨水節時事雖為
舛離憂等閒別 昭明太子示雲麾弟詩曰白雲飛兮

江上阻北流兮山風舉山萬仞兮多高峯流九派兮
饒江渚上岵堯兮乃逼天雲微蒙兮後興雨實覽歷兮
此名地故遨遊兮茲勝所爾登涉兮一長望理化顧兮
忽憶予想玉顏兮在目中徒踟躕兮增延佇 又示徐

州弟詩曰宴君書室晴眺銅池三墳既覽四始兼搞高
宇既清虛堂復靜義府載陳元言斯逞 劉孝綽與虞

弟詩曰下邑非上郡徒然想二馮余慙野王德爾勗勝
鄉風望望餘途盡悽悽良宴終朝蔬一不共夜被何由

同 劉孝標冬日家園別陽羨始興詩曰四鳥怨離羣

三荆悅同處如今腰艾綬東南各殊舉且欣棠棣集彌
惜光陰遽黠吏本須裁豪民亦難御願勗千金水思聞
五湖譽 增劉公幹贈從弟詩曰汎汎東流水磷磷水

中石頻藻生其涯華葉紛擾溺采之薦宗廟可以羞佳
客豈無園中葵懿此出深澤 亭亭山上松瑟瑟谷中
風風聲一何盛松枝一何勁冰霜正慘淒終歲常端正
豈不畏凝寒松柏有本性 鳳凰集南嶽徘徊孤竹根
于心有不厭奮翅凌紫氛豈不常勤苦羞與黃雀羣何
時當來儀將湏聖明君 梁世祖贈到溉到洽詩曰魏
世重雙丁晉朝稱二陸何如今兩到復似凌寒竹 唐
韋應物贈弟詩曰余解郡符去爾為外事牽寧知風雨

夜復此對牀眠始話南池飲更詠西樓篇無將一會夢

歲月坐推遷

杜甫懷弟穎觀詩曰陽翟空知處荆南

近得書積年仍遠別多難不安居江漢春風起冰霜昨夜除雲天猶錯莫花萼尚蕭疎對酒都疑夢吟詩正憶渠舊時元日會鄉黨笑吾廬又喜弟觀即到詩曰巫

峽千山暗終南萬里春病中吾見弟書到汝為人竟荅兒童問來經戰伐新泊船悲喜後款款話歸秦待爾嗔烏鵲拋書示鵲鴒枝間喜不去原上急曾經江閣嫌

津柳風帆數驛亭應論十年字愁絕始星星

原賦魏曹植建安十六年大軍西討馬超太子留監國
植時從焉意有懷戀遂作離思之賦在肇秋之嘉月將
曜師而西旗余抱疾以賓從扶衡軫而不怡慮征期之
方至傷無階以告辭念嗣君之光惠庶歿命而不疑欲
畢力於旌麾將何心而遠之願我君之自愛為皇朝而
寶已水重深而魚悅林修茂而鳥喜 又釋思賦曰家
弟出養族父郎中伊余以兄弟之愛心有戀然作此賦

以贈之彼朋友之離別猶求思乎白駒況同生之義絕
重背親而為疎樂鴛鴦之同池羨比翼之共林亮根異
其何戚痛別幹之傷心 晉陸機述思賦曰情易感於
已攬思難戢于未忘嗟伊思之且爾夫何往而不臧駭
中心於同氣分戚貌於異方寒鳥悲而饒音衰林愁而
寡色嗟余情之屢傷負大悲之無力苟彼塗之信險恐
此日之行晁亮相見之幾何又離居而別域觀尺景以
傷悲俯寸心而悽惻

原贊隋辛德源姜肱贊曰姜肱澹雅昆季遺榮同衾協
好比德齊聲戰勝而悅嘉邈以貞孤舟直邁卷跡滄溟
東晉庾統三人贊曰運邁屯凶三孤丞立離禽嚶鳴
邈迨同集式穀既熟和響具翕肇彼遠歧泯焉齊入

朱明張臣尉贊曰詩詠張仲今也朱明輜財敦友衣不
表形寡妻屏穢棠棣增榮臣尉邈然醜類感誠

原書吳陸景與兄書曰向訣不知所言追惟銜恨恨結
胸懷懷此戀恨何時可言望路則尚近別已千里其為

思結纏在心膂於是離析路人悲之況處至戚兼之懿
好情之感咽何時可勝念兄始出既當勞思嚴寒向隆
經塗輾軻既宜保德為世作資厚自珍愛 又與兄書
曰自尋外役出入三年緣兄之篤睦心時存之寶錄兄
書積之盈笥不得新命無以自慰時輒溫故以釋其思
有信勿忘數字每見手跡如復暫會 又荅從兄安成
王書曰奉告清言溢目眷逮周委炎光已盛願此勝宜
仰承發止已次新林引邁務殷無妨怡賞三湘奧區九

疑形勝浮洲動浪聞暝鷗之舊說安流洞浦憶采若之
遺風昔景伯出蕃高風振古叔英之部清約見稱兄政
譽平宣威和兼濟加以夏石奇雲秋江迴月翰飛紙落
理豐詞賦賞末興餘時希逮憶睽離方遠川塗修曠炎
涼方改願加珍勗綠字可傳白雲終間心傷淚灑投筆
無宣 增陶淵明與儼等書曰汝輩稚小家貧無役柴
水之勞何時可免念之在心若何可言然雖不同生當
思四海皆兄弟之義鮑叔敬仲生財無猜歸生伍舉班

荆道舊遂能以敗為成因喪立功他人尚爾況同父之人哉潁川韓元長漢末名士身處卿位八十而終兄弟同居至于沒齒濟北汜稚春晉時操行人也七世同財家無怨色詩曰高山仰止景行行止汝其慎哉

喪兄弟一

增詩曰死喪之威兄弟孔懷 禮曰兄弟之喪以親疎為輕重 又曰兄弟之喪喪內除哀隨禮殺也 又曰奔兄弟喪先之墓而後之家為位而哭 又曰孔子曰

兄弟吾哭諸廟

喪兄弟二

增禮曰公叔木有同母異父兄弟死問於子游子游曰其大功乎狄儀有同母異父昆弟死問於子夏子夏曰我未之前聞也魯人則為之齊衰今之齊衰狄儀之制也又曰成人有其兄死而不為衰者聞子臯為成宰遂為之衰成人曰蠶則績而蟹有匡范則冠而蟬有綏兄則死而子臯為之衰 □□曰劉紆早失母同產弟

平尚幼鞠育與同起臥及成人未嘗相離平卒紆哭泣
嘔血而死 世說曰王徽之與獻之俱病術人曰應終
而有生人樂代則死者可生徽之曰吾才不如弟請代
術人曰凡代死者已年有餘今君與弟算俱盡何可代
獻之卒徽之奔喪不哭直上靈牀坐取獻之琴彈之久
而不調曰子敬人琴俱亡因一慟而絕

喪兄弟三

原灑血 含癰

陳業事詳兄弟
下徐苗事詳兄弟

哀痛過期 子孫

侍宴

唐書趙弘智父事兄弘安俸祿歸之不敢私弘安卒哀痛過期李勣將卒囑弟事見前祖孫類

增稱為義士

哀若大喪

杜林事見前兄弟類唐書畢構弟樹以太府主簿

留司東都聞構疾馳歸哀毀如大喪雖變服未嘗笑天下稱其友悌

周嵩辭弔

虞監

盡哀

晉書周顗被害王敦使人弔顗弟嵩嵩曰亡兄天下人為天下人所殺復何所弔敦甚銜之又因事

誅嵩

唐書宇文化及欲殺虞世基世南號泣抱訴請代不能得自是哀毀骨立

喪兄弟四

原如剡之痛

晷之喪如剡言痛也

暮年之服

後漢書馬援兄卒行服暮年不離喪

所

馬稜心喪

馬稜字伯威少孤依從兄毅共居恩猶同產毅卒稜心喪三年

喪兄弟五

原詩宋顏延之除弟服詩曰徂沒離二秋淹泣備三冬
佳辰緬難紀來算忽易窮升沒奄暮晦灑埽易禮容縞
衣變余體長逝歸爾躬

原賦魏文帝悼天賦曰族弟文仲亡時年十一母氏傷
其天逝追悼無已予以宗族之愛乃作斯賦氣紆結以
填胸不知涕之縱橫時徘徊于舊處覩靈衣之在牀感
遺物之如故痛爾身之獨亡愁端坐而無聊心慼慼而

不寧步廣廈而踟躕覽萱草於中庭悲風蕭其夜起秋
氣慙以厲情仰瞻天而太息聞別鳥之哀鳴

原文晉潘岳為楊長文作弟仲武哀祝文曰悠悠上天
我獨何辜祖考早世兄弟幼孤備嘗艱毒同集蓼荼父
兮生我過庭靡聞母兮鞠我寧一苦辛日顧日復我弟
我身並自垂髮越于成人濬哲聰朗純粹溫良烈烈清
風邦族之望母氏劬勞庶爾之報彼蒼者天子何不弔
殲我令弟窮泉是造無父何怙無弟何友煢煢此身哀

哀慈母煩冤痛毒撫心思咎哀爾薄祐逢家多阻弱冠
未室盛年絕緒喪庭寥廓廬位無主冥冥長夜窈窈玄
宇當復何時見我仲武于以祔之于其王父魂而有靈
神其寧處 又哭弟文曰視不見兮聽不聞逝日遠兮
憂彌殷終皓首兮何時忘情楚惻兮常苦辛

原啓梁簡文帝敕南康簡王薨上東宮啓曰方當逸足
長衢克固藩屏而峰摧壁毀一朝云及綱兄弟各從王
役東守西撫常願陪承甲館同奉畫堂預得西苑賦文

北塲旋食豈謂不幸獨隔昭世異林有悲飛鳴斯切伏
惟殿下愛睦恩深常棣天篤北海云亡騎傳餘藁東平
告盡驛問留書嗚呼此恨復在茲日 劉孝儀從弟喪

上東宮啓曰亡從弟遵百行無點千里立志同氣三荆
之友假寢十起之慈皆禮之于自然行之如俛拾自礪
宮陪宴釣臺從幸攀附鱗翼三十餘載茫昧與善一旦
長辭劒匿光芒壁碎符采躬搖神筆親動妙思雖每想
南皮書憶阮瑀行經北館歌悼子侯不足輩此深仁齊

茲舊愛

原書梁元帝荅晉安王敘南康簡王薨書曰南康兄器
宇沖貴風神英挺魏之中山徒聞退讓晉之扶風雖號
師範用今方昔若吞夢雲及尋陽私疾孝感神明殆不
勝喪扶而後起猶冀天道可期豈謂福善虛說且分違
易久嘉會難逢綢繆宮闈不過紉綺之事離羣作鎮動
迴星紀之厯志異雙鸞之集遽切四鳥之悲松茂柏悅
夙昔歡抃芝焚蕙歎今用嗚咽

原祭文宋陶潛祭從弟文曰曰仁者壽竊獨信之如何
斯言徒能見欺年甫過立奄與世辭長歸蒿里邈無還
期庭樹如故齋宇廓然孰云敬遠何時復旋 顏延之
祖祭弟文曰闔棺窮野啟殯中荒靈影夙滅筵寢虛張
人往運來自秋徂陽蕃蘭落色宿草滋長孰云不痛辭
家去鄉爾之于役爰適茲邑上秋告來方春佇立如何
不弔吉違凶集六親恫心姻朋浩泣我雖載奔伊何云
及永懷在昔追亡悼存唯兄及弟瞻母望昆生無榮嫵

沒望歸魂今龜吉兆祖櫬東旋靈輅次路嚴舟在川廓
然何及痛矣終天

外祖孫一

增漢書曰王符字節信安定臨涇人也少好學有志操
與馬融竇章張衡崔瑗等友善安定俗鄙庶孽而符無
外家為鄉人所賤 晉書曰殷顗庾恒並是謝鎮西外
孫殷少而率悟庾每不推嘗俱詣謝公謝公熟視殷曰
阿巢故似鎮西于是庾下聲語曰定何似謝公續復云

巢頰似鎮西庾復云頰似足作健否 陶淵明孟府君

傳曰君諱嘉字萬年淵明先親君之第四女也凱風寒
泉之思實鍾厥心謹按採行事撰為斯傳懼或乖謬有
虧大雅君子之德所以戰戰兢兢若履深薄云爾 南
史曰劉顯字嗣芳璩族子也父駿字仲翔博識強正名
行自居幼為外祖臧質所鞠養質既富盛恒有音樂質
亡後母沒十餘年駿每聞絲竹之聲未嘗不歔歔流涕
六帖曰周翼無託養在卻家

外祖孫二

增述書

從學

漢書楊惲字子幼其母司馬遷之女也惲始讀外祖太史公記頗為春秋以材

能稱好交英俊諸儒名顯朝廷又云遷死惲祖述其書遂宣布焉

唐書蔣乂字德源常州人幼從外家學得其書遂博覽

其書遂博覽

解其忿訟

誠以廣咨

後漢書樊重貨至巨萬而嘉惠宗族

外孫何氏兄弟爭財重恥之以田二頃解其忿訟年八十餘終下見諸葛武侯誠外孫書

如虎

而冠

畫龍未成

漢記呂后崩周勃盡誅諸呂而瑯琊王亦從齊至長安大臣議欲立齊王

皆曰母家駟鈞惡戾虎而冠者也方以呂氏故幾致亂天下今又立齊王是欲復為呂氏也南史蕭惠開思話少子也初為祕書郎意趣與人不同比肩或三年不共語其外祖劉光祿成誠之曰汝恩戚家子正應將迎

時俗緝外內之歡如汝自業將無少傷多異以取天下
疾患邪蕭曰人間宜相緝和誠如慈旨但不幸耿介恥
作凡人畫龍未成是以多忤耳

當繩其祖

皆踰其父

晉書荀勗少依舅氏十餘

歲能屬文從外祖魏太傅曰此兒當及其曾祖唐書

楊於陵生子嗣復外祖韓滉撫其背曰名與位皆踰其

父此楊氏之慶

嬉戲扶牀

感歎自杖

韓集累累外孫有攜有嬰

也因字曰慶門

扶牀坐膝嬉戲歡爭

又元集扶牀小女君先識應有

些些似外翁

隋書皇甫績三歲而孤為外祖韋孝寬

所鞠養嘗與諸外兄博奕孝寬督以嚴訓績感歎

命左右自杖孝寬聞而對之流涕于是博涉經史

王

筠風韻

袁湛雅操

梁書王筠清潔好學沈約見筠以
為似外祖袁粲謂僕射張稷曰王

郎非惟額似袁公風韻都欲相似稷曰袁公見人輒矜
嚴王郎見人必嬉笑惟此一條不能酷似
晉書袁湛

少有雅操為外祖謝安所知以姪元女妻之

貴符相宅

恩遺補官

晉書魏舒

字陽元少孤為外家寧氏所養寧氏起宅相宅者云當出貴甥外祖母以魏氏甥小而慧意謂應之舒曰當為外氏成此宅相後舒位至三公司馬朴丞相光之兄里之孫也少喪母育于外祖范純仁紹聖初黨議起父宏至中書論辨得罪純仁亦坐救黨人謫永州日疾失明客至必令朴導以見時朴方七歲進揖應對如成人客皆驚歎後以純仁遺恩補官

外祖孫三

增中外之寶

梁書范岫字懋賓幼而學早孤事母以孝聞外祖顏延之早相題目以為中外之寶

汝家陽元

又曰陸倕少為外祖張岱所異謂諸子曰此汝家陽元也

自稱家世

唐書溫造字簡輿上愛其才問家世及年造對曰臣五世祖大雅外五世祖李勣臣犬馬之齒三十有六帝奇之

枕石漱流

南史顧協幼孤隨母養於外氏外從祖張永攜内外子姪游虎丘協年數歲永

撫之曰兒欲何戲協曰兒欲枕石漱流永歎曰顧氏興于此子

外祖孫四

增詩唐杜甫詩曰爾為曾外孫倜儻汗血駒 白居易

詩曰中郎餘慶鍾羊祜子幼能文似馬遷 宋王安石

贈外孫詩曰南山新長鳳凰雛眉目分明畫不如年少

從他愛梨棗長成須讀五車書

增文諸葛武侯誠外孫曰丈夫之志當存高遠慕先賢
絕情欲棄凝滯廣咨問除嫌吝雖有淹留何損于美趣
何患于不濟若志不强毅意不慷慨徒碌碌滯于俗默
默束于情永竄伏于凡庸不免于下流矣

增記宋蘇軾記外祖程公遺事曰紹聖二年三月九日
某在惠州讀淵明所作外祖傳云凱風寒泉之思實鍾
厥心意淒然悲之乃記公之遺事以遺程氏亦庶幾淵
明之心也 朱熹記外大父遺事曰外家新安祝氏世

以貲力好善聞于州郡生業幾有郡之半時稱祝半州
有諱景先者字二翁尤長者元祐黃太史嘗贊其畫像
外大父其第二子也諱確字永叔特淳厚孝謹竊感陶
公作孟府君傳及近世眉山蘇公亦述程公遺事不勝
凱風寒泉之思書此以遺康國使藏于家時出而訓習
之以勵其子孫

舅甥一

增釋名曰舅久也 又曰姊妹之子曰甥 爾雅曰母

之舅舅為舅母之從父舅舅為從舅又男子謂姊妹之
子為出謂我舅者吾謂之甥出出配他男而生 左氏
注曰姊妹之孫為從孫甥 彙苑曰母之兄弟妻之父
皆曰舅婦謂夫之父亦曰舅又舅者舊也謂老舅之稱
甥女之子曰甥 詩曰既有肥牡以速諸舅 禮曰屬
從者所從沒也亦服注屬從謂母雖沒亦為之服 又
曰睦于父母之黨可謂孝矣黨親也 儀禮曰舅母之
昆弟傳曰何以服總從服也 古從母服也 又曰甥何以總

報之也 檀弓曰從母之夫舅之妻二夫人相為服君子未之言也

舅甥二

增詩曰王遣申伯路車乘馬我圖爾居莫如南土錫爾介圭以作爾寶往近王舅南土是保 左傳曰楚文王伐申過鄧鄧祁侯曰吾甥也止而享之驪甥聃甥養甥請殺楚子鄧侯不許三甥曰亡鄧國者必此人也若不早圖後將噬臍其及圖之乎十六年楚伐鄧滅之又

曰陳厲公蔡出也注姊妹之子曰出 又曰叔向欲娶

申公巫臣氏其母欲娶其黨叔向曰吾母多而庶鮮吾

懲舅氏矣

注言父多妾媵而庶子鮮少嫌母氏性不曠

又曰晉侯曰康公

我之自出

注秦康公晉外甥也

東觀漢記曰黃香字文強年十

二家業虛貧衣食不贍舅龍鄉侯為作衣被不受 後

漢書曰范滂外甥西平李頌公族子孫而為鄉曲所棄

中常侍唐衡以頌請宗資資用為吏滂非其人寢而不

召資遷怒書佐朱零零仰曰范滂清裁猶以利刃齒腐

朽今寧受笞死而滂不可違資乃止 晉陽秋曰王夷

甫父又為平北將軍有簡書將免官夷甫年十七見所

繼從舅羊祜申陳事狀辭甚俊偉祜不然之夷甫拂衣

而起祜顧謂賓客曰此人必將以盛名處當世大位然

敗俗傷化者必此人也 晉書曰范汪少孤年六歲過

江依外家庾氏荊州刺史王湛見之曰興范族者必此

子也十三喪母居喪盡禮及長好學博識多通善談名

理 又曰習鑿齒與其二舅羅崇羅友俱為州從事及

遷別駕以坐越舅右屢經陳請溫後激怒既盛乃超拔
其二舅相繼為襄陽都督出鑿齒為滎陽太守 又曰

姚興太史令高魯遣其甥王蒙隨劉藻送玉璽一紐並
圖讖祕文于慕容德 南史曰魚弘性豪侈李抗學其

為人抗舅元法聞之杖抗三百 三輔決錄曰吉闕幼

有名九歲明尚書舅何遜死家貧子幼闕自造墳塋殯
葬之 金史曰周昂大定進士其甥王若虛嘗學于昂
昂教之曰文章工于外而拙于內可以驚四筵而不可

以適獨坐可以得口稱而不可以得首肯

舅甥三

增讀史

誦詩

梁書樂藹字蔚遠其舅雍州刺史宗慤嘗陳器物試諸甥姪時藹尚幼而所取

惟書慤由此奇之又取史傳各一卷授藹等使讀讀畢言所記藹畧讀具舉慤益善之北史楊愔字遵彥津子也小名秦王幼喪母曾詣舅源子恭子恭與之飲問曰汝比來讀何書荅曰誦詩子恭因曰誦詩至渭陽未愔便號泣感噎子恭亦對之歔歔遂為罷酒子恭後謂津曰嘗謂秦王貌不甚察慧從今以後更刮目視之

原送渭陽

詠渚側

詩序渭陽康公念母也秦康公送晉文公于渭之陽曰我送舅

氏曰至渭陽何以贈之路車乘黃晉書殷浩甥韓伯浩素賞愛之浩被廢徙東陽韓隨至徙所經歲餘還都

浩送至津側詠曹顏遠詩云富貴他人合貧賤親戚離因而泣下

增出封謝邑

助

討橫江

詩注周宣王之舅申伯出封于謝尹吉甫作詩以送之 吳志孫堅舊將丹陽朱治見袁術政

德不立勸策歸取江東策因說術曰家有舊恩在東願助舅討橫江橫江拔因投本土召募可得三萬兵以佐

明使君定天下注云願

得備彌甥

自稱皇舅

左傳季康

助舅策之舅吳景也

子曰以肥之得備彌甥也有不腆先人之產馬使求薦諸夫人之宰其可以稱旌繁乎彌遠也或曰外孫也

隋書呂道貴文帝從舅

蕭勵愛甥

季元託女

南史陳江

也凡與人言自稱皇舅

總七歲而孤依于外氏性聰敏為舅平光侯蕭勵所鍾愛謂曰汝神采英拔後來知名當出吾右 韓充係舅

季元元為河陽節度使署充為牙將曰我知君舊矣吾兒不才不足累卿二女方幼以為託後元沒充為嫁之

為營家產

悉給廩祿

唐書姚崇外甥任昇少孤養于崇家乃與之立家產謂之

曰爾吾無間然矣惜殊宗而代疎命與其子同名冀無以別也裴守真因關中旱悉以廩祿奉姊及諸甥

等于子弟

倚為腹心

南史丹陽徐湛之素為彭城王義康所愛雖為甥舅恩過

子弟唐書竇軌以甥為腹心嘗夜出呼甥不至斬之

選甥坐貶

抵舅致愆

又曰王涯居翰林其甥皇甫湜中選考覈之際以不先言坐貶王師範舅殺人其家訴之師範曰法非吾敢

亂乃抵舅罪毋恚之師範立堂下日三四至不得見三年拜省戶外不敢進

司空立嗣

環衛推官

唐書司空圖無子以甥為嗣常為御史所劾昭宗不問也張克勤為左環衛大將軍有

詔賜一子五品官克勤以息幼推與其甥裴夷直劾曰克勤既有司法引庇他族開後日賣爵之端不可許詔

聽之遂著于令

甚修甥禮

有似舅形

世說王子敬兄弟見

外甥禮及嘉賓死皆著高屐儀容輕慢命坐皆云有事不暇坐既去郝愔慨然曰使嘉賓不死鼠輩敢爾嘉賓

名超愔子也

晉書桓豹奴是王丹陽外甥形似其舅

桓甚諱之宣武曰不恒相似時似耳恒似是形時似是

神桓逾

同為洗馬

薦用龍圖

史記漢汲黯字長孺司馬安是其妙子與

不悅

黯同為太子洗馬

本傳宋周濂溪少孤養于外家

景祐中用舅氏龍圖閣學士鄭公奏試將作監主簿

八歲吟詩

五齡受傳

南史謝貞八歲嘗為春日閒居詩從舅王筠奇之謂所親曰至

風定花猶落乃追步惠連矣

齊春秋劉瓛字珪沛人

五歲聞舅孔昭先讀管寧傳欣然請更讀因聽受曰可

及此

稱其器識

著厥聲名

晉書鎮南大將軍劉弘乃應詹之祖舅詹為長

耳

史謂之曰君器識弘深當代老子于荆南矣

劉璵字

慶遜與弟琨字越石並為尚書郎郭奕之甥聲名著當

時京師為之語曰洛

植梨橘柚

玳瑁真珠

世說桓靈寶問

中奕奕慶遜越石

劉太常曰我何如謝太傅荅曰公高太傅深又曰何如

賢舅子敬荅曰植梨橘柚各有其美

僧孺之甥也怨舅不薦作謗詩曰夜

頗如風韻 盡

入真珠室朝游玳瑁筵真珠牛妾名

得圖書

梁書陸杲字明霞少好學工書畫其舅張融有

惟舅與甥

朱梁時溫韜盜發昭陵石函鐵匣中所得

前代圖書及二王真跡甚富後韜殛死其甥鄭元素盡

得其圖書真跡避禍南徙隱

入學以甥

在宮稱舅

居廬山青丘谷中四十餘年

竇抗母隋文帝姊安成公主也抗以帝甥早貴入太

學釋褐

竇抗歸長安高祖以兄呼之宮中稱為舅

自致公卿

恩踰子姪

封倫年方少舅盧思道曰是兒識畧過人當自致卿相

唐書

王佖乃李晟之甥武敢閑騎射晟在師佖無不從晟視佖與子姪等而給與過之

嘗賜珊瑚

如睹珠玉

世說石崇與王愷爭豪武帝愷之甥也每助愷嘗以一珊瑚樹高二尺許賜愷枝柯

扶疎世罕其匹

北史齊李繪字敬文儀貌端偉神情朗雋第五舅河間邢晏每與言歎其高遠曰若披雲霧

如覩珠玉宅相

劉家月旦

阿士文章

南史齊王延之與阮韜俱

之奇良在此甥

劉湛外甥並有早譽湛甚愛之曰韜後當為第一延之

為次也延之不平每致餉下都韜與朝士同列齊武聞

之與延之書曰韜與卿未嘗有別意當緣劉家月旦故

耶韜字長明裕玄孫也又曰劉孝綽幼聰敏七歲能

屬文舅王融深賞異之常與同載適親友號曰神童融

每言曰天下文章若無我當歸阿士阿士孝綽小字也

可語孫吳

歎為曾蘭

唐書李靖字藥師其舅韓擒虎每與論兵法輒歎曰可與

語孫吳者非斯人而誰哉

謝蘭安

八世孫也五歲時

每父母未飯乳姬欲令蘭先飯蘭曰既不見饑彊食終

不進舅阮孝緒聞之歎曰此兒在家則曾子之流事君

則蘭生之匹因名之曰蘭稍授以經史過目便能誦誦

孝緒每曰吾

舅母親乳楊后

詩咏周公

晉武帝楊后諱艷字

家陽元也

瓊枝弘農人母天水趙氏早卒于舅家舅母仁愛親

乳之使他人乳已子

謝太傅劉夫人事見妒類

舅甥四

原王之元舅

詩不顯申伯王之元舅文武是憲

汾王之甥

詩韓侯娶妻汾王之

甥

戈逐其舅

國語晉公子重耳以戈逐其舅子犯曰若吾無濟吾食舅氏之肉

宋

鄭

傳宋鄭
甥舅也

白水之誓

左傳晉文公謂子犯曰所不與
舅氏同心者有如白水乃投其

壁于河

增衛原霍出

漢書霍去病
衛青姊子也

嚼棗哺之

蔡邕進
表平丘

程末年十四時父沒末抱尸號泣悲哀舅哀其

館字

羸劣嚼棗肉以哺之末見食歆歔不能吞咽

渭陽

世說魏明帝為外祖築館既成謂左右曰當何名
之侍中繆襲曰陛下聖德齊于哲王罔極過于曾

閔此館之興情鍾

酷似其舅

晉書何無忌酷似
其舅何謂無成

原

焉有此甥

王悅造其舅范甯甯曰卿風流雋望
後來之秀悅曰不有此舅焉有此甥

戲調

其舅

世說謝綯于公座戲調其舅袁湛湛不堪曰汝父
輕舅汝今復加我可謂世無渭陽情綯父重王敬

之外甥與舅不

常攜就食

郗鑒事
詳叔姪

明珠在側

晉書
王武

叶綯字宣美

子衛玠之舅也武子語人曰與我甥坐炯然若明珠之在側

西門之慟

又曰謝安與姪元賭

墅顧甥羊曇曰以墅乞汝安薨曇輟樂彌年行不由西

州門路嘗因石頭大醉不覺至州門左右曰此西門曇

悲感以馬策叩扉咏曹子建詩生

增珠玉在旁

世說王濟

存華屋處零落歸山丘慟哭而去

字武子衛玠之舅也雋爽有風姿

出羣之器

又曰韓康伯清

見玠歎曰珠玉在旁覺我形穢

和有思理舅殷浩稱之曰康伯少自標置居

驅使草

然是有出羣之器及其發言遣詞往往有思理

木又曰衛江州在潯陽有知舊人投之都不料理惟餉

王不留行一斤此人得餉便命駕李弘範聞之曰家

舅刻薄乃復

不畏彊禦

梁書領軍將軍張稷是陸杲從舅杲嘗以公事彈稷稷因

驅使草木

侍宴訴高祖曰陸杲是臣通親小事彈臣不貸高祖

曰杲職司其事卿何得為嫌杲在臺稱為不畏彊禦

鞠養之恩

南史梁顏協幼孤養于舅氏陳郡謝朓疎卒協以有鞠養之恩居喪如伯叔禮議者重之

舅甥俱宦

唐書郝處俊事舅謹與許圜師同里同宦達

鄆莊賜舅

見莊類

舅甥五

增詩唐杜甫送舅錄事攝郴州詩曰賢良歸盛族吾舅
盡知名徐庶高交友劉牢出外甥泥塗豈珠玉環堵但
柴荆衰老悲人世驅馳厭甲兵氣春江上別淚血渭陽
情舟鷁排風影林鳥反哺聲永嘉多北至勾漏且南征
必見公侯復終聞盜賊平郴州頗涼冷橘井尚淒清從

役何蠻貊居官志在行 李白別從甥詩曰賢甥即明
月聲價動天門能成吾宅相不減魏陽元自顧寡籌略
功名安所存與爾俱飄泊此心難具論

原哀文晉孫楚和氏外孫道生哀文曰嗟爾道生和氏
之寶玉顏豐下曜于懷抱暮春而育孟冬而夭二十三
旬期于五日方之期頤百分之一命之修短始則有終
誰能長久與天無窮錢翁近千殤子幼沖俱反無形冥
昧之中造化多少豈獨爾躬 又和氏外孫小同哀文

曰煜煜薜華朝生夕落爾命方之猶為淺薄暫有形質
尋反冥漠譬彼蜉蝣不識晦朔死尚未知生亦焉知爾
雖旬月我未之視萬物混焉天地一指杪末嬰孩安足
稱誅大人達觀同之一揆

御定淵鑑類函卷二百四十九

謹案第十七頁前一行兄亶先經此任刊本兄訛
已據南史改

第二十三頁前七行為吏作臧刊本脫吏字據後
漢書增

欽定四庫全書

總校官庶吉士臣張能照

校對官編修臣裴謙

謄錄監生臣繆引吉

欽定四庫全書薈要

子部

御定淵鑑類函卷二百

五十一

詳校官兵部主事臣雷純

欽定四庫全書薈要卷一萬一千六百九十八

子部

御定淵鑑類函卷二百五十

人部九

内外兄弟

姑

姨

小姨附

嫂叔

姊妹

姊妹

内外兄弟一

增爾雅曰姑之子外兄弟也舅之子内兄弟也

山堂

肆考曰兩姨之子為外兄弟姑舅之子為内兄弟
彙苑曰姊妹之子曰姊妹弟

内外兄弟二

增南史曰范縝性質直好危言高論不為士友所安惟
與外弟蕭琛善琛名曰口辨每服縝簡詣 又曰韋叡
隨外兄杜幼文為梁州刺史梁土富饒往者多以賄敗
叡雖幼獨以廉聞 唐書曰孔若思陳亡客居鄠勵志
於學外兄虞世南曰本朝淪覆吾分湮滅有弟若此知
不亡矣

内外兄弟三

原合謀

讓封

魏志楊阜與外兄姜叙合謀攻馬超大敗之以報殺本州刺史太守讐

晉書

羊祜進爵乞封舅子蔡襲

增引入王鉞

奏稱李泌

唐書戶部侍郎楊慎矜與

王鉞父中表兄弟也故引鉞入臺及鉞遷中丞慎矜猶名之鉞意不平後讒殺慎矜唐書開元中員外九歲

升座詞辨如注射帝異之曰員半千孫固應爾因問童子豈有類若者俶跪奏臣舅子李泌帝馳召之泌既至

帝方與張說觀奕因使說試其能說請賦方圓動靜泌應聲而對說因賀帝得奇童帝大悅賜束帛敕其家善

養之惡聞笳管劇話桑麻

南史阮孝緒字士宗外兄王晏貴顯屢至其門孝緒

度其必至顛覆聞其笳管穿籬逃匿不與相見云下見後黃直卿會表兄弟序

薦充侍讀

泣宥侍郎

南史宋武帝謂周捨曰為我求一人文學俱長兼有行者欲令與晉安游處捨曰臣

外弟徐摛形質陋小若不勝衣而堪此選乃以摛為侍讀唐書崔彥昭與王凝外兄弟也凝大中初先顯而

彦昭未仕嘗見凝凝嫚言曰不若從明經舉彦昭憾之至是凝為兵部侍郎彦昭為相彦昭母教婢多製履韞曰王氏妹必與子同逐吾將共行彦昭聞之泣且拜曰不敢怨凝遂得免

內弟之喪 外

家之寶

文中子有內弟之喪不飲酒不食肉郡人非之唐書韋述父景駿元行冲景駿姑子也為時

儒宗嘗載書數車自隨述入其室觀書不知寢食行冲異之試與語前世事熟復詳諦如指掌然使屬文授紙輒就行冲曰外家之寶也

內外兄弟四

原令鼓琴

晉書阮瞻字千里讀書不甚研習而默識其要善彈琴內兄潘岳每令彈琴終日達夜無

忤色不可得而榮辱

增吐餐覆醬

南史阮孝緒外兄王晏貴顯不與相見曾食醬美問之云

是王家所得便吐餐覆醬及晏誅親戚咸為之懼孝緒曰親而不黨何坐之及竟獲免

朗陵公

文選詩序朗陵公何敬祖余之從外兄也

原不餞送

城陽太守梁柳皇甫謐從姑子之官有勸

謐餞之謐曰柳為布衣送迎不出門食不過鹽菜貧者不以酒肉為禮今作郡送之是貴城陽太守而賤柳豈古人之道非吾心所安也

為育其女

唐書柳公綽外兄薛竇卒為育其女嫁之

內外兄弟五

原詩齊陸厥奉荅內兄顧希叔詩曰嘉惠承帝子躡履奉王孫屬叨金馬署又點銅龍門出入平津邸一見孟嘗尊歸來翳桑柘朝夕異涼溫又曰殂落固云是寂

蔑終如斯杜門清三逕坐檻臨曲池鳬鵠歡儔侶荷芰

始參差雖無田田葉及爾泛漣漪又曰春華與秋實

庶子及家臣王門所以貴自古多俊民離宮收杞梓華

屋富徐陳平旦上林苑日入伊水濱又曰書記既翩

翩賦歌能妙絕相如慙溫麗子雲慚筆札駿足思長坂

柴車畏危轍媿茲山陽讌空此河陽別又曰平原十

日飲中散千里遊渤海方流滯宜城誰獻訓屏居南山

下臨此歲方秋惜哉時不與日暮無輕舟增唐杜少

陵贈表弟詩曰客裏何遷次江邊正寂寥肯來尋一老
愁破是今朝憂我營茅棟攜錢過野橋他鄉惟表弟還
往莫辭遥 宋蘇東坡送表弟程懿叔赴潛詩曰與子

甥舅氏推顏各蒼顏並為東諸侯長此佳江山寒松無
時花安得插髻鬟惟將老不死一笑榮枯間我甚似樂
天但無素與蠻挂冠未及耄當獲一紀間子亦拙進取
才高命慳頑譬如萬斛舟行此九折灣九折新得道一
漚自塵寰歲晚家鄉路莫遣榛菅還 又送表弟程六

知楚州詩曰炯炯明珠照雙壁當年三老蘇程石里人
夾道避鳩杖刺史迎門倒鳬舄我時與子皆童兒往往
從人覓棗栗健如黃犍不可恃隙過白駒那暇惜醴泉
寺古垂橘柚石頭山高暗松櫟諸孫相違萬里外一笑
未解千憂積子方得郡古山陽老手風生謝刀筆我正
含毫紫微閣病眼昏花困書檄莫教印綬繫餘年去歸
墳墓當有日功成頭白早歸來共藉梨花作寒食 又
上表弟程德孺生日詩曰仗下千官散紫庭時聞小語

說蘇程長身自昔傳甥舅壽骨遥知是弟兄曾活萬人
寧望報祇求五畝却歸耕四朝遺老凋零盡鶴髮他年
幾個迎

增序宋黃直卿幹代仲兄作會表兄弟序曰北山黃東
招其內弟鄭子恭而告之曰吾從母昆弟皆葉出也葉
氏兄弟猶吾從母之昆弟也凡三姓四家雖所系不同
自吾外祖父母以來一本而已吾嘗記為童子日外祖
父母皆無恙歲冬之朝兄弟畢集相與握手終日談諧

笑語市棗栗相啖迨其去則留連不忍舍旦暮又思之而幸其復來也豈非秉彛良心有不能自己者及其長也而後怵於習俗迫於利害而不能以相保此有識者所當慨念也今吾欲與兄弟約以歲正月之十日六月之二十日會於天寧之浮圖人具有一杯酒一壺飯一器春蠶夏荔不拘其數合而飲食之古人騷賦詩咏與夫投壺弓矢之具有則攜之以供娛樂相告語以孝弟忠信相問勞以老少安否家計有無至於農圃桑麻之

業皆可抵掌而劇談也晨而往戴星而歸於是重親戚厚風俗豈不善歟子恭曰善哉遂述其言以告諸兄弟

姑一

增釋名曰父之姊妹曰姑姑故也言於已為久故之人也 廣雅曰姑謂之威威故也 說文曰威姑也 爾

雅曰父之姊妹為姑王父之姊妹為王姑曾祖王父之姊妹為曾祖王姑高祖王父之姊妹為高祖王姑父之從姊妹為從姑父之從父姊妹為從祖姑父之從祖姊

妹為族祖姑 詩曰問我諸姑 禮曰房中內賓姑姊妹也 又曰姑姊妹之大功踊絕於地如知此者由文矣哉注降服恩重也 又曰姑姊妹之薄也蓋有受我而厚之者所以夫家厚故我薄也

姑二

增左傳曰晉獻公筮嫁伯姬於秦遇歸妹之睽史蘇占之曰不吉歸妹睽孤寇張之弧姪其從姑六年其逋逃歸其國而棄其家明年其死於高梁之墟

震為木離為火火從木生

離為震妹于火為姑謂我姪者
吾謂之姑謂子園質于秦也

列女傳曰梁宣節姑

者梁之婦人也其室失火兄子與己子三人在內入取
兄子輒得己子及火盛不復得入婦人將赴火人曰本
取兄子卒得己子至於中心亦已足矣何至赴火婦曰
梁國豈可以戶告人曉也被不義之名何面目見兄國
人哉吾欲復投吾子又失母子之情誓不生遂赴火而
死君子曰可謂節姑也 唐書曰武后欲以武三思為
太子狄仁傑曰陛下欲三思為後姑姪與母子孰親每

以母子天性為言后雖忤忍不能無感故卒復唐嗣
又曰文宗惡世流侈因漢陽公主入問曰姑所服何年
法也今之弊何代而然對曰妾自貞元間辭宮所服皆
當時賜未嘗敢變元和後數出禁藏纖麗物賞戰士由
是散於人間內外相矜狃以成風

姑三

增手披紗扇

身著麻衣

世說溫嶠喪婦從姑劉氏惟有一女甚有姿慧姑以屬公

覓婚公密有自婚意因下玉鏡臺一枚姑大喜婚姻交禮女以手披紗扇撫掌大笑曰我固疑是老奴果如所

卜玉鏡臺是公為劉越石長史北征劉聰所得世說
阮仲容先幸姑家鮮卑婢及居母喪姑當遠移初云留
婢既發定將去仲容借客驢著重服自追之
累騎而反曰人種不可失即還集之母也
誦詩九

紙贈絕十匹

宋書范雲字彥龍六歲就其姑夫袁叔
明讀毛詩日誦九紙陳郡殷琰名知人

候叔明見之曰公輔之器也國史補裴佖嘗詰少時
姑夫為朝官有雅望佖至宅會其退朝深歎曰崔照何
人衆口稱美必行賄也言未訖門者報曰壽州崔使君
候謁姑夫怒呵門者將鞭之良久東帶強見須臾命茶
甚急又命酒饌又命鉢為飯佖姑曰何前倨而後恭及
入門有德色揖佖曰憩學中佖未下階出懷中一經乃
贈官絕
但留傳舍不造門庭
漢書桓嚴尤修志介
姑為司空楊賜夫人

初父鸞卒姑歸寧赴哀將至止於傳舍整飾從者而後
入嚴心非之及姑勞問終無所言號哭而已賜遣吏奉

祠因縣發取祠具嚴拒不受後每至京師未嘗舍宿楊氏其貞忤如此梁書江子一字元貞統七世孫也直

華林省其姑夫右衛將軍朱异權要當朝休暇之日賓客輻輳子一未嘗造門其高潔如此

誼敦

袁蔡

親締潘楊

博物志蔡伯喈母袁曜卿之姑女楊經字仲武潘岳作誄文云籍三葉

世親之恩而子之姑余之伉儷焉潘楊之睦有自來矣

姑事婕妤

幼從柴后

漢書成帝班婕妤彪之姑也宋史周世宗柴后兄守禮之子幼從姑養太祖家以謹厚見愛按太祖謂周太祖郭威世宗謂晉王榮威之養子也柴后太祖之后姑指柴后而言

猶持節行

見賞

名通

列女傳齊攻魯至郊遙見一人攜一兒抱一兒及軍至乃棄抱者而抱攜者將欲射之就而問曰所

抱者誰之子對曰兄之子所棄者誰之子曰已子也妾見不能兩全遂棄已子軍曰何棄所生而抱兄子對曰

子之于母私愛也姪之從姑公義也背公向私妾不為也齊軍曰魯有婦人猶持節行況朝廷乎遂回軍不伐魯魯侯聞之賜以束帛號曰義姑宋書袁淑字陽源豹之子也少有風概年數歲伯父湛謂家人曰此非凡兒至十餘歲為姑夫王弘所賞不為章句之學而博涉名通文彩道麗

名亞子雲年

同元禮

後周書蕭子雲王褒之姑夫特善草隸褒少以姻親往來其家遂相模範俄而名亞子雲並見

重于時漢書鍾皓兄子瑾母李膺之姑也瑾與膺同年俱有聲名

姑四

增散寶堂前

呂頴事見婦人智識類

塵務經心

世說王江州愉夫人謝幼度妹

語謝遏曰汝何以都不復進為是塵務經心天分有限

戒典機衡

唐書武三思任文昌左相

李昭德諫曰承嗣已王不宜典機衡以惑衆且父子猶相篡奪況姑姪乎后矍然曰我未之思也乃罷

歎其義識

北史崔巨倫有姊明慧有才行因患眇一目內外親戚莫有求者其家議欲下嫁之巨倫

姑趙叔肩之妻聞而悲感曰吾兄盛德不幸早世豈令此女屈事卑族乃為子翼納之時人歎其義識

姑五

增詩唐杜甫送重表姪王砮評事使南海詩曰我之曾祖姑爾之高祖母爾祖未顯時歸為尚書婦隋朝大業末房杜俱交友長者來在門荒年自餬口家貧無供給客位但箕帚俄頃羞頗珍寂寥人散後入怪鬢髮空吁

嗟為之久自陳翦髭鬣鬻市充杯酒上云天下亂宜與
英俊厚向竊窺數公經綸亦俱有次問最少年虬髯十
八九子等成大名皆因此人手下云風雲合龍虎一吟
吼願展丈夫雄得辭兒女醜秦王時在座真氣驚戶牖
及乎貞觀初尚書踐台斗夫人常肩輿上殿稱萬壽六
宮師柔順法則化妃后至尊均嫂叔盛事垂不朽 宋
黃庭堅題徐氏姑壽梅亭詩曰大雛銜枝來作亭小雛
銜實來種花兩雛反哺聲喳喳慈烏髮白爾成家梅梁

丹青射寒日
媒英飛雪點青髮
二雛同味如春酒
壽親一笑宜長久
金玉滿堂空爾為
有親舉酒世上稀
生育劬勞安可報
折媒傾酒著斑衣

增誌唐柳宗元亡姑陳君夫人權厝誌曰
陳君謂宗元曰子之姑孝於家移於我之長睦於族施於我之黨是用賓而禮之如益者之友今則去我已矣吾無以報焉願以為誌

姨一

小姨附

增爾雅曰母之姊妹為從母 又曰從母之子為從母

昆弟其女子為從母姊妹又曰妻之姊妹同出為姨

又曰姊妹之夫為私 儀禮子夏傳曰從母丈夫婦人

報傳曰何以小功也以名加也外親之服皆總也

外親異姓

正服不過總

姨二

增詩曰邢侯之姨 左傳曰蔡哀侯娶于陳息侯亦娶

焉息媯將歸過蔡蔡侯曰吾姨也止而見之弗賓息侯

聞之怒使謂楚文王曰伐我吾求救於蔡而伐之楚子從之

姨三

增不事女主

遂號癡姨

狄仁傑盧氏堂姨事見前賢婦人類魏宦者符承祖方

用事親姻爭附以求利其姨母楊氏為姚氏婦獨否嘗與之衣服則曰我夫家貧與之奴婢則曰我家無食承祖遣車迎之不肯起使人抱上車則大哭曰爾欲殺我由是符氏內外號為癡姨及承祖敗有司執其二姨魏主聞姚氏姨貧此君座也大家難之晉書何充字次道廬江人

樊特命赦之

此君座也

大家難之

次道廬江人

王導妻姊之子少與王導善早為顯官嘗詣導導以塵尾指牀呼充共坐曰此君座也三輔波錄周季貢班

固姊之子也善屬文喪婦
作問神其姨曹大家難之

以姨繼室

指妹議婚

左傳

齊侯請繼室于晉韓宣子使叔向對曰寡君不能獨任
社稷之事未有伉儷在哀經之中是以未敢請君有辱
命患莫大焉若惠顧敝邑撫有晉國賜之內主宜惟寡
君舉羣臣實受其貺其自唐叔以下寶寵嘉之遂成婚
龍圖劉公烜未第時娶趙尚書晃之長女早亡而趙
氏猶有二妹既而劉公登科趙夫人復欲妻之使媒妁
通意劉曰若云武有之德則不敢為婚若言禹別之州
則庶可從命蓋嫌七姨骨相寒薄遂娶九姨後生七子
凡忱皆至大官七姨後適關生竟不
第落魄窮餒莫年劉氏養之終身

供奉夫人

重

稱女壻

楊妃外傳謝阿蠻善舞上按曲於清元殿寧王
吹笛上羯鼓楊妃琵琶秦國夫人端坐視之上

戲曰樂籍今日幸得供奉夫人請一纏頭對曰豈有大
唐天子阿姨無錢用耶遂出三百萬為一局歐陽文

忠公與王宣徽拱辰同為薛簡肅公子壻文忠公娶其長女後卒再娶其妹故文忠公有舊女壻為新女壻大姨夫作小姨夫之戲

姨四

增斷乳懷恩

宋劉懷肅傳初高祖產而皇妣殂孝皇貧薄無由得乳人議欲不舉高祖從母生劉

懷敬未期乃斷懷敬乳自養高祖高祖以舊恩懷敬累見寵授官至會稽太守

再婚從女

蘇文

忠公先娶鄉貢進士王弗女其繼室又其從女也

姨五

增詩唐杜甫寄狄明府詩曰梁公曾孫我姨弟不見十

年官濟濟大賢之後竟凌遲浩蕩古今同一體比看伯
叔四十人有才無命百僚底今者兄弟一百人幾人卓
絕秉周禮在汝更用文章為長兄白眉從天啓汝門請
從曾公說太后當朝多巧計狄公執政在末年濁河終
不汙清濟國嗣初將付諸武公獨廷諍守丹陛禁中浚
冊詔房陵前朝長老皆流涕太宗社稷一朝正漢官威
儀重昭洗時危始識不世才誰謂荼苦甘如薺汝曹久
宜裂土食身使門戶多旌榮何為飄泊岷漢間干謁王

侯頗歷詆況乃山高水有波秋風蕭蕭露泥泥虎之飢
下巉巖蛟之橫出清泚早歸來黃土汙人眼易眯

嫂叔一

增釋名曰嫂嫂也老稱也嫂縮也人及物皆小縮於舊
也叔少也幼者稱也叔亦倣也見嫂倣然却步也禮
記曰嫂叔之無服也蓋推而遠之也又曰嫂不撫叔
叔不撫嫂為喪中又曰嫂叔不通問儀禮曰嫂者
尊嚴之稱爾雅曰女子謂兄之妻為嫂弟之妻為婦

漢書注曰西方謂亡嫂為丘嫂丘空也兄亡獨有嫂也或云丘大也長嫂之稱史記丘作巨

嫂叔二

增禮記曰子思之哭嫂也為位 後漢書曰馬援敬事寡嫂不冠不入廬 世說曰阮籍嫂常還家籍與之別或譏之籍曰禮豈為我輩設耶 孔帖曰趙弘智奉嫂謹甚 又曰王珪奉寡嫂家事咨而後行 又曰徐彥伯事寡嫂謹 山堂肆考曰韓愈親兄名介嫂鄭氏愈

生三歲而孤嫂視愈如子所謂鞠於嫂氏是也

嫂叔三

增市米

責錢

南史齊竟陵王子良為會稽太守時有山陰孔平詣子良訟嫂市米負錢不還

子良歎曰昔高文通與寡嫂訟田義異於此乃賜米錢以償平會稽典錄鄭弘守陽羨縣民有弟用兄錢者為嫂所責未還嫂詣弘訴弘為叔還錢兄聞之慙媿自繫於獄遂遣婦齎錢還弘弘不受也

聽講

讓財

鄴洛鼎岐記盧虔後妻元氏升堂講老子道德經虔弟元明隔紗帳以聽之下詳兄弟三

原厭高祖

嫉陳平

上漢高祖事見前叔姪類史記陳平與兄伯居伯常縱平游

學人或謂平何食而肥其嫂嫉平不視家產曰食糠覈耳有叔如此不如無伯聞之遂棄其婦

小郎

解圍

童子愈疾

世說晉王凝之妻謝氏道韞獻之與客譚議辭理將屈道韞遣婢白獻之

曰欲與小郎解圍乃施青紗步幃自蔽論獻之前義客不能屈也

晉書顏含字弘都嫂老失明含躬親省視

病須髻蛇膽為藥含求不得有童子持一青囊授含開之乃髻蛇膽出戶化為青鳥飛去嫂疾便愈

長

養方朔

怒杖小郎

漢書東方朔上書曰臣少失父母長養兄嫂

季弟也衍妻郭氏貪鄙令婢擔糞澄年十四諫郭怒謂澄曰太夫人臨終以小郎囑新婦不以新婦囑小郎捉

裾杖之澄踰窓得免

增賣身營塚

罄橐遺資

齊書吳達之義興人嫂亡無以

具葬乃自賣為十夫傭以營葬

南唐書丘旭字孟陽

隨計金陵凡九舉而曳白者六七然自勵彌篤秋試將

適寡嫂劉問行期旭以匱乏告嫂曰苟濟榮望雖孤兒可鬻況貨用于是罄囊遺之旭不得已復就鄉舉明年

春試厚德載物
賦旭為第一

嫂叔四

原人言盜嫂

漢書人言陳平盜嫂

不為炊

史記蘇秦說秦不遇顯賴而歸兄嫂姊妹

皆笑之妻不下機嫂不為炊及佩六國相印歸昆弟妻嫂側目不敢視秦秦笑謂曰何前倨而後恭嫂謝曰見

季子位高

無兄盜嫂

通鑑直不疑為郎朝見人或毀不疑曰狀貌雖美善盜嫂不疑

金多也

曰我無兄然終不自明

傭耕養嫂

後漢書第五訪字子謀少孤貧傭耕以養嫂

嫂

婢贈歌

樂志白團扇歌者晉中書令王珣與婢婢有情其婢製白團扇歌以贈珣

謝安譽

嫂

世說晉謝朗父據早卒總角時病新起體羸不堪勞於叔父安前與沙門支遁講論遂至相苦嫂王氏再

遣信令還安留使竟論王氏因出云新婦少遭艱難一生所寄惟在此兒因流涕攜朗去安謂座客曰家嫂辭情慷慨恨不使朝士見之也

爭田

逸民傳高鳳為太守所召恐不得免乃與寡嫂爭田由是不仕

魏舒將嫂

魏舒曰得八百戶長將老嫂入官舍斯願足矣

增謹於事嫂

宋書

蔡興宗幼立風概家行尤謹奉歸宗姑事寡嫂養姑兄子有聞於世

事之如母

南齊書韓靈敏

兄靈珍亡無子嫂卓氏守節不嫁慮家人奪其志未嘗告歸靈敏事之如母

叔射殺牛

牛弘

事見前兄弟類

嫂叔五

增書宋王錫妻范氏與錫弟僧達書曰昔謝太傅奉嫂

王夫人如慈母今蔡興宗亦有共和之稱其為世所重如此

增文唐韓愈祭嫂鄭氏文曰嗚呼天禍我家降集百殃我生不辰三歲而孤蒙幼未知鞠我者兄在死而生實維嫂恩視余猶子誨化淳淳爰來京師年在成人屢貢於王名乃有聞念茲鈍頑非訓曷因孰云此來乃覩靈輶有志弗及長負殷勤嗚呼哀哉昔者韶州之行受命於兄兄曰爾幼養於嫂喪服必以期今豈敢忘天實臨

之

增議唐魏徵嫂叔服議曰記曰兄弟之子猶子也蓋引而近之也嫂叔之不服蓋推而遠之也且事嫂見稱載籍非一鄭仲虞則恩禮甚篤顏弘都則極誠致感馬援則見之必冠孔伋則哭之為位察其所尚之旨豈非先覺者歟

姊姒一

增爾雅曰女子同出謂先生為姒後生為姊注云同出

謂同嫁事一夫也事一夫者以已先生為姒後生為娣

又曰長婦謂稚婦為娣娣婦謂長婦為姒 爾雅疏

曰世人疑娣姒之名皆以兄妻呼弟婦為娣弟妻呼兄妻為姒然公羊傳諸侯娶一國二國往媵以姪娣從娣者何弟也是以其弟解娣自然以長解姒長謂身之年長非夫之年長也左傳穆姜不以聲伯之母為姒又叔向之嫂謂叔向之妻為姒二者皆呼夫弟之妻為姒豈計夫之長幼乎 禮記內則曰介婦請於冢婦無敢敵

耦於冢婦不敢並行不敢並命不敢並坐娣姒猶兄弟也
李翱揚烈女傳曰婦人女子順和于娣姒則賢矣
合璧事類曰娣姒今或曰妯娌

娣姒二

增左傳曰魯聲伯之母不聘穆姜曰吾不以妾為姒
又曰伯石始生子容之母走謁諸姑曰長叔姒生男按
伯石即楊食我夏姬之女所生也

娣姒三

增時稱鍾郝

姻恥蕭成

世說王司徒渾妻鍾氏字琰與弟湛妻郝氏皆有德行琰

雖門高與郝氏相親重郝不以賤下鍾鍾不以貴陵郝時稱鍾夫人之禮郝夫人之法唐書高宗以太平公

主適薛紹武后以薛顗妻蕭氏顗弟緒妻成氏非貴族欲出之曰我女豈可與田舍女相為妯娌耶或曰蕭氏

瑀之姪孫國

復還筦鑰

乃事干戈

唐書李光進弟

家舊姻乃止
委以家事及光進娶母已亡弟婦籍資財納筦鑰于姒先進命反之曰娣逮事姑且嘗命主家事不可改因相持泣乃如初五代史梁太祖破朱瑾納其妻以歸瑾妻見皇后張氏再拜后愴然泣下曰充鄆與司空同姓之國昆仲之間以小故乃興干戈而使吾姒至此若不

幸汴川不守妾亦如此矣言已又泣太祖感動乃送瑾

尼

姊姒四

增皆畏侍姑

皇后竇氏事見子婦類

媿作梁山

五代史補李濤弟濬娶禮部尚

書竇寧國之女年甲稍高結稿之夕竇氏出參濤輒望塵下拜濬驚曰大哥風狂耶新婦參阿伯豈有荅禮濤曰我不風只將謂是親家母濬且慙且怒既坐竇氏復拜濤又又手當胸作歇後語曰慙無竇建媿作梁山

姊妹一

增爾雅曰男子謂女子先生為姊後生為妹 又曰姊

妹之夫為私 類苑曰姊咨也以先生言可咨問也

又曰妹女弟也妹者未也女子先生曰姊後生曰妹

詩曰亦有兄弟不可以據薄言往愬逢彼之怒 又曰
遂及伯姊 又曰兄弟不知啞其笑矣 禮檀弓曰姑
姊妹女子已嫁而反兄弟不與同席而坐不與同器而
食

姊妹二

增詩曰譚公維私 左傳曰潞子嬰兒之夫人晉景公
之姊也酆舒為政而殺之又傷潞子目晉侯欲伐之諸
大夫皆曰不可酆舒有三雋才不如待後之人伯宗曰

必伐之狄有五罪雋才雖多其何補焉遂滅潞酆舒奔衛衛人歸諸晉晉人殺之 又曰吳伐楚楚昭王取其

妹以出涉澠水鍾建負之後復國王將嫁季芊辭曰所以為女子遠丈夫也鍾建負我矣王遂使妻鍾建以為樂尹 又曰鄭穆少妃姚子之子子貉之妹也子貉早死無後而天鍾美於是注是謂夏姬也 史記曰張敬

叔姊善鼓琴高祖召為宮人徙其家就戚里戚里在長安與親戚別居故曰戚里 漢書曰李延年妹絕美延

年侍上酒酣歌曰北方有佳人遺世而獨立一顧傾人
城再顧傾人國豈不知傾城與傾國佳人難再得武帝
聞之乃召入宮 後漢書曰趙岐取馬融從妹融嘗至
其家與從妹宴飲作樂日夕乃出岐與友書曰馬季長
雖有名當世而不持士節三輔高士未嘗以華裾蔽其
門岐嘗讀周官二義不通不往造之賤融如此 文士
傳曰張溫為孫權所斥其姊妹三人皆有節行已嫁者
皆見錄奪其中妹先適顧承官以許嫁丁氏成婚有日

遂飲藥而死吳朝嘉歎鄉人圖畫為之讚頌云 世說
曰却嘉賓喪婦兄弟欲迎妹還終不肯歸曰生縱不得
與却郎同室死寧不同穴耶 齊書曰永興中有王氏
女年五歲得毒病兩目皆盲性至孝年二十父亡盲女
臨尸一哭眼皆血出小妹俄舐之左眼即開愈時人皆
以為孝感所致也 唐書曰張巡有姊嫁陸氏為巡補
綴行間軍中號陸家姑先巡被害

姊妹三

原歸妹

哀姊

易注婦人謂嫁曰歸漢書杜周誠哀老姊

外妹

內賓

左傳

聲伯嫁外妹管於奚之女於施孝叔卻讐來聘求婦於聲伯聲伯奪施氏婦以與之外妹謂同母異父也儀

禮有司微曰主人洗獻內賓於房中內賓姑姊妹也

踰郭

在宮

韓子梁車為鄴令其姊往

見之暮而後至閉門因踰郭而入梁車削其足趙成侯以為不慈奪璽而逐之左傳連稱有從妹在公宮無

寵使

賢智

義烈

綱鑑梁冀誅李固固少子變字德公姊文姬賢而有智謀匿變乃告

父門生王成曰君執義于先公今委君以六尺之孤李之休戚在君矣成乃將變東下得全下聶政姊事見

賢婦

詈余

收孩

楚辭女嬃之嬋媛兮申申其詈余注嬃屈原姊也申重言也言嬃責

原不與衆合乃見流後漢書盧延遭王莽亂延從女弟年在孩乳棄於溝中延哀而收養遂至成人

增鼓琴

引杖

史記萬石君名奮漢高祖東擊項羽過河內時奮年十五為小吏侍高祖高祖

愛其恭敬問曰若何有對曰奮獨有母不辜失明家有姊能鼓琴高祖召為美人以奮為中涓受書謁徙其家

長安戚里以姊為美人故也江行雜錄宋太祖為殿

前點檢北征京師喧言當立點檢為天子太祖密以告

家人曰外間洵洵若此將如何太祖姊方在厨引麴杖

逐太祖擊之曰大丈夫臨大事可否當沒諸胷中乃來

家恐怖婦

上書

輟餌

漢書曹壽妻大家班超之妹也超為都護在絕域年老思

女何為

入玉門關妹乃上書曰妾兄超延命沙漠三十餘年骨

肉生離不復相識上因徵超還因話錄庾約為河南

兵曹有寡姊在家庾嘗於公堂

能詩

臨畫

張奎妻王荊公

輟已饒以餉其姊同官嘉歎

之妹也能詩宋李尚書公擇之妹

飢寒

慈惠

後魏

能臨竹木水石等畫黃山谷有詩

書崔亮家貧傭書自業時隴西李冲當朝亮從兄先往依之因謂亮曰安能久事筆硯何不往就李氏彼家饒書因可得學亮曰弟妹飢寒豈可獨飽自可觀書于市安能看人眉睫乎馮左藏娶開封張顯女早世女臨終曰吾妹慈惠可撫諸孤遂娶之

原微觀意

豈求名

後漢書宋弘為太尉時帝

妹湖陽公主新寡帝與共論羣臣以觀其意主曰宋弘威容群臣莫及帝曰試圖之主坐于屏風後召弘問曰貴易妻人情乎弘曰糟糠之妻不下堂帝迴謂主曰事不諧矣蜀志郭奕遷雍州刺史有寡姊姊下僮僕多有姦犯而殺人者吏執之奕曰大丈夫豈以老姊求名遂遣而不問

抱遠聽書

哀統

與粟

漢書賈逵年五歲其姊聞鄰家讀書每抱逵聽之逵年十歲乃暗誦六經姊曰吾未有教汝安得三

墳五典讀之逵曰憶昔抱聽鄰家讀書吳志駱統字公緒年八歲時飢多有困者統為減飲食飼之其姊仁

愛見統甚哀曰何不告我而乃自苦以私粟與統

增諸妹豔質 四人美才

蕭韶太清記劉孝儀諸妹文彩豔質甚于神人陳統字元方絃字偉方俱清秀知名姊妹四人俱有美才姊

適東莞徐氏生邈二姊適同郡劉氏文章最盛

奉以為師 事之如母 上見

類唐書楊慎矜兄弟友愛事之如母

舍人有禮 刺史無恩 唐書蘇

姊有禮世稱其德南史宋朱修之薄于恩情有姊在鄉里飢寒修之為荊州刺史未嘗供膳一日往姊家姊

為設菜羹粗飯激之修之曰此乃貧家好食進之致飽

使備嬪嬙 命為妯娌

左傳晉韓須如齊逆女齊陳無宇送女致少姜少姜有寵於晉侯謂之少齊少姜卒齊侯使晏嬰請繼室于晉

曰寡人不腆先君之適以備內官焜耀寡君之望君若不忘先君之好惠顧齊國則猶有先君之適及遺姑姊

妹若而人辱使董振擇之以備嬪嬙寡人之望也北
魏書崔休弟之子慙字長謙濟州刺史盧尚之欲以長
女妻之休又為子陵求尚之次女曰家道多由婦
人欲命姊妹為妯娌尚之感其義于是同日成婚才

亞左芬

名齊道韞

南史鮑令暉昭之妹也歌詩清巧
擬古尤勝昭嘗荅武帝云臣妹才

自亞于左芬臣才不
及太冲耳下見前

季隗叔隗

元妃季妃

左傳晉
公子重

耳取季隗趙衰妻叔隗晉書慕容垂娶段氏字元妃
婉惠有志操嘗謂妹季妃曰我終不作凡人妻妾季妃

曰我亦不作庸人婦鄰人聞而笑之後燕
王納元妃范陽王德聘季妃並如其言

姊為內官

妹稱進士

劉禕之姊為內官武后遣至外家問疾禕
之因賀蘭敏之私省之坐流雋州後為丐

還南楚新聞關圖有妹能屬文嘗
語人曰家有一進士所恨不櫛耳

名姊歸岸

號

長廣橋

然歸鄉人喜悅因名南岸曰歸鄉岸原有姊聞

原還亦來歸責其矯世鄉人又名其北岸曰姊歸岸

梁典長廣橋者宋武帝姊昔賣鈔糴米還橋小不敢過

無船得渡日晚武帝大飢久方見姊負米還乃

誨若

嚴師 養成孤妹

次若昭若倫若憲若荀若昭文尤高

若華誨諸妹如嚴師唐書畢構初喪繼母時有二妹

撫育恩遂制

煮粥然鬚

題門續詠

唐書李勣性友愛其姊嘗病勣

三年之服

親為作粥風回焚其鬚鬚姊曰僕妾甚多何自苦如是

勣曰顧姊老勣亦老雖欲久為姊作粥其可得乎梁

書劉孝標有三妹一嫁琅邪王叔英一嫁吳郡張嶠四

山一嫁東海徐悵敬業並有文才而徐妻尤清拔所謂

劉三娘字令嫻是也兄孝綽罷官不出為詩題其門曰
閉門罷慶弔高臥謝公卿嫻續之曰落花掃仍合蕤蘭
摘後
姊妹壻劉覽劾奏
季友與書
梁書劉覽孺弟也除尚書左丞

居官清正無所私姊夫御史中丞褚湮從兄吏部郎孝
綽在職頗通贓貨覽劾奏並免官孝綽怨之嘗謂人曰
犬豕行路覽噬家人謝承後漢書胡母班字季友八
厨之一王匡妹夫也匡受紹旨收班于獄班與匡書略
曰兄下拘僕于獄欲以釁鼓此何悖暴無道之甚也僕
與董卓何親戚義豈同惡足下張虎狼之口吐長蛇之
毒志卓遷怒
何其酷哉
就貸姊夫
知疎婦弟
別傳郭林宗家
就姊夫貸錢五千乃遠至成臯從師受業併日而食衣
不蔽形常以蓋幅自障出入則護前出則掩後北
齊書鄭元禮崔昂婦弟也魏收昂之姊夫昂持元禮數
詩示盧思道曰元禮比來詩詠亦不減魏收思道曰未

覺元禮賢于魏收但知姊夫疎於內弟

哀號救壻

悲愴祭夫

世說庾希被誅

將戮小弟玉臺子婦宣武女弟也突入哀號曰庾玉臺常困人脚短三寸當復能作賊否宣武笑曰壻故自急遂原玉臺一門劉三娘字令嫺嫁徐悱悱卒令嫺為祭文辭甚悲愴父勉欲為哀辭見此文乃閣筆

姊妹四

原尚右

禮孔子與門人立拱而尚右二三子亦皆尚右孔子曰二三子之嗜學也我則有姊之喪故也

二三子皆尚左

喪不除

禮子路有姊之喪可以除之矣而弗除也孔子曰何弗除也子路曰吾寡

兄弟而弗忍也孔子曰先王制禮行道之人皆弗忍也子路聞之遂除之

月姊王者姊事月

得臣之妹

左傳衛莊公娶于齊東宮得臣之妹美而無子

引鑣

東觀漢記秦彭字伯平為

山陽太守欲嫁寡妹
妹不嫁乃引鎌自害

增鍾氏四龍

後漢書李膺之姑
為鍾皓兄之妻生

子瑾好學慕古與膺同年俱有令名膺祖太尉修常言
瑾似我家性以膺妹妻之生四子亮叔訓秀號四龍安

帝時俱
為牧守

原引刃

列女傳桓林姊夫劉敬仲早亡
桓氏乃引刃割耳以示桓林

留

錢五十

風俗通太原郝子廉飢不可得食寒不可得衣
一分及一芥不取人過姊留飯密留五十錢於

席上
而去

增袁家二妹

世說袁彥道有二妹一適殷浩一
適謝仁祖語桓溫云恨不更有一

人配
卿

藜藿雜米

晉書桑虞字子深魏人年十四喪父
哀毀過禮以米百粒糝藜藿其姊喻

之曰滅性非孝子對曰
藜藿雜米足以勝哀

不為贅壻

王敬弘妻桓元姊
也敬弘之邵元時

為荊州遣信要令過敬弘至巴陵謂人曰靈寶見要正
當欲與其姊集聚耳我不能為桓氏贅壻乃遣別船送

妻往江陵妻在桓氏彌年不迎

原留錢二百

南史范丹字史雲侯姊姊飯之以姊夫不德留

錢二百文

增中分祿秩

宋書新野庾彥達為益州刺史攜姊之鎮分祿秩之半以供贍之西

土稱馬

事姊恭順

唐韋顗早孤事姊恭順

悉輸廩祿

唐書裴守真養寡姊

甚謹永淳初關中旱悉以廩祿奉姊

姊妹五

原詩晉左思贈妹九嬪悼離詩曰鬱鬱岱清海瀆所經陰精以靈為祥為禎我我令妹應期誕生如蘭之秀如芝之榮總角岐嶷髻鬢夙成比德古烈異世同聲惟我

惟妹實惟同生早喪先妣恩百常情女子有行實遠父
兄骨肉之恩固有歸寧何悟離拆隔以天庭自我不見
於今二齡穆穆令妹有德有言才麗漢班明朗楚樊默
識若記下筆成篇行顯中閨名播外藩何以為贈勉以
列圖何以為言申以詩書相去在近上下歛歛含辭滿
胸鬱煩不舒 增宋黃魯直寄別陳氏妹曰西風吹天
雲頃刻異秦越叔子從天來忽與同姓別餞行在半途
一食三四噎遥遥馬嘶斷芳草迷車轍引襟滿眼淚回

首寸心折母氏孝且慈愛養數毛髮諸兒恩至均如指
孰可訖汝今始歸人縣縣比瓜瓞中畦不灌溉芳意還
銷歇黃鳥止丘隅南山採薇蕨擇婦既甚明寡取乃為
悅我開賢女傳須已為汝說在宋有伯姬潔身若冰雪
下堂失傳母上堂就焚爇吾嘗嘉愿康有婦皆明哲戮
力事耦耕甘貧至同穴彼于視三公其猶吹一呖雍容
二南間此婦真豪傑男兒何有哉今壯而善口逢時秉
鈞軸邂逅把旄鉞富貴多禍憂朋黨相媒孽等之穀中

游巧者未知拙勿以貧賤故事人不盡節母儀尊聖善
婦道尚曲折葛生晚萋萋締綌代表褐女工既有餘枕
簞清煩暘誰言淮蔡遠曾不以日月跂予升高丘佇望
飛鳥滅善懷詩所歌行人勿惜別皇皇太史筆期汝書
英烈 又贈李妹詩曰張侯溫如鄒子律能令陰谷自
生春有齊先生之季女十年擇對無可人箕帚掃公堂
上塵家風孝友自相親

原哀辭晉潘岳陽城劉氏妹哀辭曰鳥鳴於栢鳥號於

荆徘徊躑躅立聞其聲相彼羽族矧伊人情叩心長叫
痛我同生誕育聖王發竒稚齒如彼名駒昂昂千里劉
氏懷寶未曜隨和伊予輕弱弗克負荷祿微於朝貯匱
於家俾我令妹勤儉備加珍羞罕御器服靡華撫膺恨
毒逝矣柰何哀哀母氏蒸蒸聖慈震慟擗標何痛如之
魂而有靈豈不慕思嗟哉往矣當復何時

原書晉徐藻妻陳氏與妹書曰伏見偉方所作先君誄
其述詠勲德則仁風靡墜其言情訴哀則孝心以叙自

非挺生之才孰能克隆聿修若斯者乎執詠反覆觸言
流淚感賴交集悲惻並至元方偉方並年少而有盛才
文辭富豔冠於此世竊不自量有疑一言略陳所懷庶
備起予先君既體弘仁義又動則聖檢奉親極孝事君
盡忠行已也恭養民也惠可謂立德立功示民軌範者
也但道長祚短時乏識真榮位未登高志不遂本不標
方外迹也老莊者絕聖棄智渾齊萬物等貴賤忘哀樂
非經典所貴非名教所取何必輒引以為喻邪可共詳

之 宋鮑照與妹書曰吾自發寒雨而全行日少棧石

星飯結荷水宿以今食時僅及大雷塗登千里日踰十
辰去親為客如何如何向因涉頓憑觀川陸遨神清渚
流睇方曛東顧三洲之隔西眺九派之分闕地門之絕
景望天際之孤雲南則積山萬狀爭氣負高含霞飲景
參差代雄陵跨長隴前後相屬帶天有匝橫地無窮東
則砥原遠隰亡端靡際寒蓬夕卷古樹雲平旋風四起
思鳥羣歸靜聽無聞極視不見北則陂池潛演湖澤脈

通栖風之鳥水化之蟲以智吞愚因彊捕小號噪驚聒
紛物其中西則回江永指長波天合滔滔何復漫漫安
竭左右青藹表裏紫霄從嶺而西氣盡金光半山以下
純為黛色信可以神居帝郊鎮控湘漢者也夕景欲沈
曉露將合孤鶴寒鴈遊鴻遠吟樵蘇一歎舟子再泣誠
足憂悲不可說也

增誌銘唐柳宗元亡姊崔氏夫人墓誌曰我伯姊之葬
良人博陵崔氏為之銘凡歸於夫家為婦為妻為母之

道我之知不若崔之悉也然而自筭而上以至於幼孩
崔固不如我之知也又烏可以已今之制凡誌於墓者
琢密石加蓋於其上用敢附碑陰之義假茲石而書焉

御定淵鑑類函卷二百五十